

晚晴籟詩匯

第二二册

晚晴彩詩匯卷五十五目錄

鄂爾泰 十四首

王樾 三首

朱樟 十一首

張遠 六首

何其偉 二首

魏坤 四首

蔣仁錫 二首

張廷玉 八首

勵廷儀 五首

年羹堯 一首

汪繹 九首

翁叔元 四首

查嗣琛 三首

徐昂發 二首

董玘 一首

戴寬 三首

范允鏞 三首

段昕 五首

徐永宣 三首

張謙 一首

董新策 一首

楊守知 一首

閻愉 一首

張象蒲 一首

葉紹芳 一首

何焯 五首

黃任 三十六首

商元柏 一首

李蓮 二首

秦文超 二首

周于德 一首

王之球 二首

賈璠升 一首

晚晴彙詩匯卷五十五

徐世昌

鄂爾泰字毅菴滿洲旗人康熙己卯舉人世襲佐領官
至保和殿大學士封一等襄勤伯加太傅諡文端配

亭 太廟有西林遺橐

詩話文端受 泰陵殊遇出總師千入持政柄贊襄
密勿夙夜靖共 乾隆初受遺輔政分珪析組伯食大
丞為一代賢相 初官江蘇布政吳中舊有紫陽書院
為張清恪所建 中為春風堂文端建亭於堂後合諸
郡高材生試以詩 古文辭試日會食慎時哉軒舍桃
竹芽以當庶羞 筵有吟詠傳示諸生與相酬唱既擢
撫粵西編刻南邦黎
獻集一時稱盛事云

詠懷

丈夫不苟得自處審所難多願長惻惻小心日拳拳曠達
不敢出激烈非所安終懼味道要拘鄙愧高賢材力苦不

廣天地豈不寬嗟嗟西林子徒乃損肺肝

下策取富貴上策學神仙二者成兩失相將食與眠謀身
書有術得計良獨偏子遂無此心欲語增羞顏

天道有終極人事互更遷造物詎不仁斯理固自然勿爲
失者笑勿爲得者歡涼風來北窗得失誰復言

贈方望溪

六經治世非土苴相期津逮闕垠涯抉經之心不易得詞
林文苑徒紛拏博物但解辨麤鼠搜神或詫名騶牙心井
徧塞航斷港銀海掉眩生狂花此曹正坐讀書誤遺棄根
本搜枿芽桐城望溪我老友學崇中正防奇衰說經鏗鏗
究終始尤於三禮咀其華曲禮增刪繁就簡正義參訂達
扶麻羣書穿穴尋聖奧下簾每聽鼓三搗方今重輪陛下

聖五緯順序曜帝車致君堯舜誠有術許身稷契非矜誇
天地人祀各識職往諧秩宗帝女嘉惟寅惟清恭朝夕詔
兼書局窮羅爬吾衰舊聞苦荒落妄冀邃密商量加間送
一難輒許可瓊琚乃報投木瓜姚姒上溯下閩洛青鏡恐
食妖蝦蟇豈邀名譽嗣聖德甯望荒遠登羲媧所貴經學
適時用瞑坐曜若翻金鴉委蛇退食時過我劇談恆淪頭
綱茶脩閒依然兩學士相視一笑無喧譁張蒼伏勝暨轅
固經儒往往臻耆遐朝廷會行乞言禮洗爵君且斟流霞
宿真空寺懷蒙又上

古道黃塵滿春谿碧溜乾烏棲雙樹晚客至一鐙殘斷碣
悲窮子聯篇記妙翰定知草廬卧小夢亦闌珊

一榻禪棲穩三更佛火新披衣隨月影倚石認松鱗兔角

曾何處牛車自有輪不須尋妙理同是暫來人

初度日謝客詠懷

百年行過半兀坐對紅扉白髮無拘束黃金有是非
吏人隨鳥散奴子汲泉歸嗤笑從渠會余心終不違

一月逢初度春蔬薦午餐自憐同病鶴人道是窮官江水
流空碧梅花骨尙寒故園兄弟滿此日定誰歡

夜坐檢書偶讀工部蜀相篇慨然有述

碧草黃鸝萬古情杜陵野老慣吞聲祠堂不占中原地丞
相徒傷西蜀名兩立霸圖生有恨偏安王業死無成錦官
苑在尋何處風雨鐙昏夜柝鳴

會課春風亭命賦邑有流亡愧俸錢句蓋以自況抑
亦自省殊未敢效韋郎思田里也聊申鄙意用告

羣賢

東髮登朝老合休一麾江上領諸侯許身稷契談何易結
習詩書道未周誰使至尊憂稼穡直應之子負山邱流亡
疾病春都感慚謝蘇州刺史愁

贈學使中丞法淵若

已教干莫息鋒鋸轍徧江南眾所瞻除卻詩篇何所癖獨
於山水不能廉瘴煙蠻樹甘棠在絳帳春風畫戟兼今日
相逢共尊酒形骸脫略兩無嫌

清明祭掃畢有感

石橋西下白楊堆宿草初從暝氣回一陌紙錢三滴酒幾
家墳上子孫來

船山

幾灣清浪接平谿一櫂煙波兩岸齊行過舫山山寺晚水禽唳斷竹雞唳

郊行示耕者

肩輿啞啞踏春圻菜麥青黃二月時漫道杏花初課雨早看柳影半垂枝一犁自足田園業千耦同歌亞旅詩隴畔小民須力作窮簷辛苦聖人知

王樞字雨師一字聖木號緘齋諸城人康熙己卯舉人官內閣中書有粵游草松籟草

詩話聖木與德州李聖木樞名字皆同又同歲舉於鄉並爲方靈皋所契目爲山東二聖木李聖木學詩於漁洋有句曰夙負雲霄姿羞爲桃李容守道耽隱以孝廉終久陰

積雨溜山阿青苔挂女蘿嵐深晴日少瘴暝溼雲多露湛

鷺黃酒煙昏鴨綠波孤舟湘水上何處聽蠻歌

冷水灘

白石蒼苔護板扉人家終日住清暉二分翠竹三分水時看蠻禽拍浪飛

過衡州

淡煙十里鎖江樓湘水南來抱郭流回雁峯頭聲斷處青杉翠竹是衡州

朱樟字亦純一字鹿田號慕巢晚號灌畦叟錢塘人康熙己卯舉人歷官澤州知府有白舫集一半句留集

方朴山曰語與興驅理不空

綺主於漢曷襟靈栽培教化

詩話鹿田少從毛西河游西河經問入卷載鹿田問
論語三仕三已孟子束牲載書二條其於經學甚邃
官蜀十年頗刺取諸書有關益部者為蜀客餘諱蜀
江脈縷皆以目驗知之而怪水經注之不相應又怪

善長身未到江以南所記注嶽江諸條下迴迷失道
作駁議十數事其平日亭經藉史實事求是本源盛
大故能於詩
別開蹊徑

泊舊忠州尋白樂天陸宣公舊治

香山居士無遺跡句引詩人泊水涯只有風前雌蝶喜東

坡曾見舊栽花

東坡在忠州
白傳種花處

秋草寒蓑失壞城畬煙斷處土微平鴉唳內相廳前樹一

片天涯謫宦情

峽州題劉景升廟

藉甚荊州牧中原玉殿無英雄餘畫壁歌舞雜淫巫養子
皆豚犬齊名得顧廚大宗雄鼎峙正朔在成都

羅山驛

夏賊
據此

淺綠芳洲遠羅山古驛邊草枯新見路沙嫩未開田鄰火

穿舟入孤營夾岸懸弄兵殘孽盡戍堡記當年

曲洧懷先通問公因訪遺集有感

南冠五老附嘉名膺服遺山鑒別精自署江東深有意傷

心何減庾蘭成

先通問聘游集
自稱江東朱弁

宣和遺事有誰知雲館星歸老淚垂風月殘縑零落盡得
留新鄭幾篇詩

雪窖魂消蘇武年殘書分散洧川煙白龜池上頽詩屋誰

更吳興問賜田

重過韜光禪舍與松岳上人話舊出示書畫冊子卽

賦長句再題

吳越千家立眼前煙蘿低隔異人間空林山簇倪迂樹一
角斜收馬遠山幸借風帆供寫望愛吟秋葉好追攀從師

商略前賢句綺語猶能方便刪

同繡谷訪吳石倉先生

暮年詞客歎晨星獨有先生尙典型
竟日每容開卷說餘寒猶許下簾聽
殘詩待補谿堂集公論微存野史亭
我亦執經稱弟子疏泉新坼惠山餅

曝畫長廊趁晚暉幽園高卧客來稀
一春夢雨遙相憶昨日漁舟去未歸
曳杖細尋燒筍寺出山未辦採茶衣
武林耆舊煩收拾忙別銀鐙校是非

送方朴山還賦溪

官燭燒殘書未成茶園歸夢一帆輕
亦知舊雨非今雨無計留行且送行
曉氣遙收斜月路晚潮閒帶落花聲
釣魚船在深山裏弭棹同商去住情

張遠字超然侯官人康熙己卯舉人官祿豐知縣有無

悶堂集

詩話超然少日與同里郭雍林豫吉張嵩有四子之
目以通賦牽累亡命走吳越慕琴川虞山之勝卜居
焉嘗道出西江題詩滕王閣曹秋岳侍郎見之大加
激賞招人幕中漁洋牧仲皆引爲入室弟子領解時
年已垂老
卒官滇中

下建溪諸灘

無諸拓閩疆山川賈餘霸亂石鬪雷霆終古不可罷輕航
一鳥疾碎湃千轉下前舟欻然沒初見各驚詫須臾出白
浪迴旋去如射生命寄柁師與石爭一罅在險魂屢飛過
後舌頻咋造物產湖海至此窮變化若匪眾盤渦閩溪高
可瀉仙霞插霄漢天險此其亞所以縱橫徒一丸每頻借
吾聞天下雄以德不以詐閩中如井底未足供叱咤安得

常治平絃歌出桑柘

題黃山山人墨竹

結體欲密勢欲舒節圓葉老如草書吳興已往不可作此
君顧影空扶疏黃山山人澹於菊胸有千竿萬竿竹翛然
落筆電與雷縱橫幻誕何奇哉墨汁三升酒一斗颯颯晴
空風雨來蟄蛇出蠖劍出匣夭矯老龍卸龍甲共道一日
不可無頗恨古人無我法穢材揮盡世莫知撐腸拄腹徒
爾爲伯時畫馬入馬腹但恐山人變竹枝

歲暮寄懷故園親友

一年一萬一千里馬足車輪舡艫舟自笑此身渾似葉不
知於世復何求磨牛處處循陳跡籠鳥依依憶故邱正是
羊城梅放日瘴雲霾雨獨登樓

還至延平遙望先墓有作

登樓遙望墓門秋辛苦經年尙劍州豈有弟兄依隴畝
憑風雨護松楸來從豺虎行邊路去逐鯨鯢腹裏舟四十
無成還浪跡雲山何處可回頭

登滕王閣

高閣登臨此大觀四山對面壓龍盤豈無詞賦驚閭帥已
把文章讓子安人世百年風浩浩長江千古水漫漫南州
高士今誰是有客斜陽獨倚闌

送沙子羽之日本

壽安山迴徹雲煙邪馬臺高四面天縹緲似游星漢外依
稀直到日輪邊乘桴昔已傷尼父蹈海今誰是魯連見說
遺經在茲土卻將吾道問東偏

何其偉字石民號我堂石屏人康熙己卯舉人官遂昌知縣有我堂詩集

過任亮可

野徑垂疎柳停鞭過小橋故人久不見隔水忽相招爲語田園樂渾忘歸路遙殷勤傳茗椀聊以永今朝

便水

遠望迴龍閣先驚便水天溪山隨樹轉驛路抱江圓艇爨潭中月人歸浦上煙此中堪避地何必武陵川

魏坤字禹平號水村嘉善人康熙己卯舉人有倚晴閣

詩鈔水村琴趣

沈歸愚曰禹平爲忠節後人少負才名交滿天下而遇合獨艱詩體沈澁宋人囿於一時風氣也詩話禹平幼承家學工詩嘗居汾湖仿元錢德鈞故事屬吳江徐虹亭爲作水村第二圖繼至京師復倩

李南溟再圖之所作樂府被之歌管悉合於律忠節
次子學謙以崇禎癸未進士選庶常次年李自成陷
京師學謙作絕命辭兩章自縊死恐家篡其名於降
賊諸臣中途康熙間禹平公車入都作長歌題絕命
辭後投明史館乞爲申雪

送王阮亭宮詹祭告南海

海花十丈紅棉高珊瑚倒影翻銀濤空濛不辨萬里色長
魚人立風颺颺黃木灣頭祠最古東西二廟結構牢聖世
禋宗光祀典海若欣挾羣龍翔緬維祝融冠溟渤禮薦幣
璧羞溪毛特遣名臣自鶴茶一路負矢開旌旄寒梅卻當
大庾發冷香簌簌吹征袍柁樓曉對嶺猿飲驛鼓暮應潮
雞號齋廬漸近扶胥口夙戒執事虔牲醴奉冊陳詞答清
晏閒以高管張瓊璈百靈祕怪恍畢出圖寫疑禿龍眠毫
須臾蜃樓墮海底四顧鯨鱷都潛逃先生此行功洵偉非

比金碧求王褒筆搖青羊硯翡翠光燄可奪昌黎豪側聞
嶺表足奇士經歲述作棲蓬蒿星車往招堪並載忍使寶
玉名士弢歸來藉以報天子豈拾瑤草空盤敖

登黃鶴樓

江聲已吞大別口東之不住復東走萬頃怒濤天風號沙
岸日斜鼉欲吼一葉翦過煙波灣登樓憑徧十二欄忽飛
涼雨濺衣溼白浪高於黃鵠山山川滿眼來蕭索吟鬢低
垂且孤酌青蓮畢竟非仙才崔顥題詩不敢作醉擬橫將
鐵笛吹歸向仙人借黃鶴

送徐虹亭檢討南歸

曾訪鷗波叟爲余畫水村平田青接岸深柳綠當門百里
程非遠三高迹好論遲君同聽雨濁酒一開尊

慈仁寺有鸞孤雁者萬季野購蓄於庭作羈雁詩邀
予同賦

不趁涼雲結陣飛羈孤似爾欲何依
彌天增繳雖知避滿地江湖卻暫違
空守殊鄉驚歲晚難招舊侶待春歸
臨風無限回翔意獨立閒庭對落暉

蔣仁錫字靜山臨汾人康熙己卯舉人有綠楊紅杏軒
詩集

漁洋先生以右丞竹里館作圖敬題應命

蒼然古時月下照檀欒影煙梢一萬竿
翠滴衣裳冷幽興會孤吟造此無人境
自非高士懷於何悟深靜我公有神契
千載遙相領偶復託巖廊終焉慕箕穎
妙處故不傳意與瑤琴永

固關

鏡天懸萬仞燕晉此中分
馬放清時地人耕古戍雲青松
何鬱鬱翠壁故紛紛日暮哀笳發征夫不忍聞

張廷玉字衡臣號硯齋桐城人康熙庚辰進士改庶吉

士授檢討官至太保保和殿大學士三等伯配享

太廟諡文和有澄懷園詩選載賡集

詩話文和兩世綸扉自設軍機處為漢臣入直之首
闕閱鼎盛冠於當時邸第歲書春聯曰天恩春浩蕩
友治日光華相傳為憲皇所賜及致仕乞歸或議
配享曠典不應倖邀純皇賜詩慰之有云可例青
田原伯廟漫愁鄭國竟推碑並命翰林賡和以榮其
行後雖因獲咎罷其配享身後終復之其詩蘊藉清
和道然意遠想見風度焉

山中暮歸

林端鴉陣橫煙外樵歌起我從山中歸幽懷殊未已小童

負敲筐迂路采蘭芷疲驢緩緩行斜陽在溪水

秋陰

鎮日重雲護板扉秋寒容易透秋衣數聲風葉靜時落一片雨絲晴後飛瓜蔓影中蟲獨語蓼花深處燕雙歸槐陰一枕還鄉夢雲樹蒼茫認釣磯

春日賜金園閒居卽事

溪流曲曲繞柴門石作屏風樹作垣每與野人臨水坐梅花香裏話君恩

奉命供奉南書房恭紀

箕裘弓冶不勝任又許鷓鴣託上林兩世直廬明主澤廿年書局老臣心山檮敢望依神莢土鼓偏教傍帝琴慚聽六宮人盡說蘇瓌有子荷恩深

馬上海盤山

朔風栗烈近重關風捲冰花點鬢斑笑我未忘邱壑興荒
煙殘雪望盤山

奉命充省方盛典總裁恭紀

民瘼民依塵聖衷頻勞法駕出深宮五年巡狩符虞典萬
世安瀾頌禹功此日幸分青鏤筆當時親傍玉花驄昔年
南北
巡幸臣屢
叨扈從難將蕩蕩巍巍德寫入金泥玉檢中

送二姪之官瓊州

天語褒循吏除書出禁林人言家法好我歎主恩深易了
當官事難酬報國心門前驅五馬欲別更沈吟
萬里珠崖郡休辭渡海勞艱難試盤錯忠信涉波濤蜃戶
知風候黎人望雨膏坡公祠宇在先與酌香醪

勵廷儀字令式號南湖靜海人康熙庚辰進士官至吏

部尚書太子太傅諡文恭有雙清閣詩豪

張硯齋曰公詩喜自道其性情不事雕琢辭約而旨遠其於風騷之原漢晉唐宋以來名家之芳潤無不挹也
張天扉曰公詩才情粲發格律渾成而性情温厚措詞和雅讀之使人油然而生忠孝之心尤長於樂府歌辭激昂磊落自寫胸臆

白馬篇

白馬黃金勒四足隨風起千金買寶刀六郡良家子朝齧
陰山雪暮飲長城水橫行薄瀚海一日能千里雪仇不顧
身報主甯恤死壯士悲暮年良馬惜暮齒坐老風塵中窮
年胡爲爾月出沙磧黃日落塞雲紫獨立橫秋風長嘶謝
知己

秋懷

風淒梧自脫露滴鶴知警長空滿秋思高雲孤永飛鳥
倦斯還退猶不失猛循塗乏善步利用愧短綆置身材不
材焉知非天幸逍遙撰茲辰煩囂得暫屏

次答瞿雲壻留別韻

淹留擬判年言別各悽然苦雨黃花後悲風落葉前蕭齋
懸客榻匹馬度寒煙屬和知音少相思欲輟絃

除夕

十載長安逼歲除於今情味較迂疎童心只喜年光換壯
志偏驚歲月虛淅瀝聲催殘臘雪氤氳香繞紫宸居趨庭
叨得天廚味又拜新恩出直廬

重陽

白雲紅葉動關愁聊把清尊當卧游爛醉莫題明日事黃

花雖好是窮秋

年羹堯字亮工號雙峯漢軍旗人康熙庚辰進士改庶

吉士授檢討官至太保撫遠大將軍川陝總督

詩話雙峯以詞館起家景陵賞其明敏洵異封所
及憲皇嗣服解恂勤郡王兵柄雙峯遂建帥節平
青海勦謝爾蘇番部迭奏大勳乃以功高寵溢不克
善終爲世所惜平生章牘文翰絕少懋存恂邸尙有
蹟文委稟近歲譯本始出雙峯則併此無之書畫遺
蹟流傳亦少國朝詩的採一絕句蓋爲羽士題象特
錄存之

題楊紫宸小照

魑魅隨身亦等閒肩挑龍虎總徒然只他一副超凡骨不

鍊金丹也是仙

汪繹字玉輪號東山常熟人康熙庚辰一甲一名進士

授修撰有秋影樓詩集

詩話東山詩蘊藉含蓄人品甚高臚唱日馬上口占
云歸計未謀千頃竹浮生只辦十年官後奉母歸里
遂不出仁皇南巡命
家居食俸分校全唐詩

舊井

廢苑沒蒿萊中有千尺井苔痕點石闌梧桐散秋影妾心
似轆轤君情如斷綆誰謂井波深不比秋宵永

寒缸

空堂夜正長孤鏡半明滅心隨膏火煎愁共鏡花結鏡花
結還落愁心幾時絕抱影背鏡眠重衾冷於鐵

柳枝詞

滿隄花霧溼萋迷萬縷黃金一色齊是處樓臺煙雨裏流
鶯知坐那枝嘖

梅花樓訪月溪上人

撼屋西風起白蘋紙窗木榻靜無塵斜陽影裏看歸鳥落
葉聲中著病身丈室只容清淨侶禪門今見讀書人慚余
又作長安客夢斷山塘二月春

己卯除夕次悔餘同年韻

紅幡綵勝逐時新柏子香生土室春雪後原田皆種玉風
前蠟炬欲銷銀友朋共喫殘年飯僮僕偕爲守歲人寥落
自甘應不恨倚闥惟念白頭親

秋懷

不見家山近四年水窗風物較清妍寒宵酒引蘧蘧蜨倦
眼花蒙薄薄煙成佛已甘靈運後思歸肯讓季鷹先黃金
相印休誇詡爭似城南二頃田

望岱

日田余言匠卷三十三
十一
矯首原從萬仞論千年漢時上公尊崢嶸直上疑無路呼
吸通天尚有門獨立巖巖真氣象滿前疊疊盡兒孫閒雲
莫戀山頭住四海蒼生正望恩

寄庭仙

五年心事共誰論惜別胥江日色昏水底鬚眉終有相雪
中指爪已無痕秋風鱸膾江南味春雨梅花處士魂畢竟
家山貧亦好知君亦厭孟嘗門

秦始皇

方丈瀛洲杳莫攀金銀宮闕湧煙鬟桃源自是人間世卻
遣童男問海山

翁叔元初名桺字寶林號鐵菴永平籍常熟人康熙丙
辰一甲三名進士授編修官至刑部尙書有梵園詩

集

詩話鐵菴幼貧甚叔父玉于名長庸助之成立故以叔字命名誌不忘也詩有悟道語

病中雜述

邇來有微疾遂得身閒居隱几發清思且復親詩書夜闌不成寐落月明前除漸覺萬慮捐往往見太虛多恐疾良已此念又復初

我初亦何爲無端在陶冶我身既非眞况乃名氏假因復被虛聲從人置高下微生屬醯雞世事付野馬浮雲與電光於我何有者

下第出都途中偶成

孤蹤寂寞與時違匹馬荒郊趁落暉有影自隨還對語無家可老尙思歸花當寒谷先秋落雁叫空江帶雪飛棄婦

可憐身已去向人猶整嫁時衣

聞官軍收八閩

三年轉戰苦蒼生禁旅傳餐滿市城寶氏已來關右表令

公猶典朔方兵卻看星象書含譽司天奏含譽星見應有花名賜

太平朱仁宗時蜀地貢名卉賜名太平花願得臨邊諸將帥許教隴畝事春

耕

查嗣璫字德尹號查浦海甯人康熙庚辰進士改庶吉

士授編修歷官侍講有查浦詩鈔

詩話查浦未第時即有才名與初白頴頡稱二難同

館十年先後歸里查浦詩鈔初白為作序謂兄弟年

皆七十外極唱和之樂未幾遽家難查浦長流陝右

初白送以詩云吾衰虞死別汝健必生還或者詩成

識他時一破顏初白歸里即捐館查

浦亦卒於戍所竟未得再相見也

紅橋

珠簾何處覓三生寂寞司勳薄倖名惟有春風惜楊柳年
年吹綠到蕪城

將游武夷自甌甯入建陽途中偶成

朝煙作霧寒濛濛肩輿似水浮艤舫風迴霧斂忽見路危
橋裊柱三枝筇空山聞雷卻見日雨腳已過西南峯南峯
迎客復送客出沒不受浮雲封眼看晴雨亦好翻覆何
足關心胸不知何年雷起蝨滿壑幻出千蛟龍張髯奮鬣
矜爪觜失地變作瓜離松山田梯水高級級野碁澗寒
寥寥老農習懶午正睡一聲布穀催春春覺來掬水方洗
眼笑看過客何恩恩我來不受塵事役原與猿鹿相追從
幔亭錦幄渺何許卽此已足耽游蹤泉清酒香野店淨當
壚女插山花紅百錢一醉萬慮失去路隱隱隨遙鐘

過白沙嶺寄同年張硯齋

積翠浮空不見峯羣峯俱擁萬株松怪來小驛重關路忽
與千巖萬壑逢丹壁斜飛千尺練白雲遙送一聲鐘龍眠
居士如相識畫我山莊第幾重

徐昂發字大臨長洲籍崑山人康熙庚辰進士改庶吉
士授編修有畏壘山人集

江邊曉望

白露黏天水勢驕荒洲蘆荻自蕭蕭五更酒醒百憂集孤
艇夢回千里遙蟲響斷時秋過兩月明多處夜吹簫江城
鐵甕看如許滿眼寒蕪打怒潮

次韻答曰容秋夕醉歌

江城千雉秋雲鑲匠門一角斜陽墮張也灑掃蝸牛廬壺

尊爲右圖書左未能跋浪凌滄溟白要深杯澆坎壈醜頭
酒熟奔渴蜂壁竅蟲鳴咒土羸瓊推蓮子鬪分曹鈞傳黃
菊拈殘朵蟹螯斫雪白紛紛橘柚搖霜綠髮髯郭生年少
誇翩翩顧子頽唐亦頗頗談諧弄筆責奴髯游戲斯文諠
奚跛顧我常戒賀若錐當筵敢學禰衡裸匿影恆比尺蠖
屈外語還防箕舌簸貧家本住干花村秫米行收萬珠顆
雞豚作社舊曾偕羊酒講婚無不可辭君卻棹漁舸還解
幘橫當波面坐青山盤髻冷看人白鷺刷衣閒候我好攜
蓑笠採蓴鱸長與憂煎脫纏裹

董玘字玉崖號文山通海人康熙庚辰進士改庶吉士

授檢討有賜書堂詩集

詩話文山嘗典二編建鄉試稱得士蔡文勤其最著者
內直宣撰文字屢拜褒賜旋以省親假歸雍正改元

詔舉孝廉方正有司以文
山應固請終養旋卒於家

題嚴先生釣臺次韻

高隱留仙躅鳴橈此暫停水當冬夜白山自漢時青一片
寒江石千秋太史星孤標猶可接底事悵飄零

戴寬字敷在號裕庵滄州人康熙庚辰進士改庶吉士

有裕庵遺藁

詩話裕庵成進士年甫弱冠有登吳山第一峯詩句
云振策上吳峯人在飛鳥背吳越兩郵亭滄洲一襟
帶何處辨齊州蒼蒼但煙靄一時傳頌鹽池一
章亦可作香山新樂府惜早卒未克老其才也

鹽池

築地作鹽池池光朝灩灩不聞煙火聲天地自烹鍊微風
從南來雪花積璀璨上以充君庖下以供征繕歲有白餘
鹽進貢餘
波及閭閻古制良甚善不知自何年招集來商販驕奢擬

王侯奴隸視州縣計口派食鹽鉛銖入奇算百錢不盈盎
況乃泥居半哀哀墟里人味不充藜藿荷鍤者誰子謂竈戶也
搯搯泥沒骭鹽成不敢收指揮聽壟斷兩間有美利本爲
生民便安知兼并徒奇貨思獨擅造物忌滿盈朝廷樹綱
憲不見囹圄中囚首髮覆面君子貴知足小人戒無厭寄
語謝持籌前車勿再踐

楓嶺道中

過嶺人家近村村繞石田截流通野曲架竹引山泉鳥下
衝寒靄僧歸破夕煙梅花應似我零亂灞橋邊

雨後東海道中

潑墨雲深雨腳斜又添生意到桑麻撲衣新綠低槐乳夾
道清香散棗花古壁丹青尋野寺疎籬煙火見人家兒童

指點東瀛路碧落晴消萬縷霞

范允鎬字用賓號愚溪錢塘人康熙庚辰進士歷官山

東道御史有結廬詩鈔

黃梨洲曰詩之爲道以空靈爲主無事於堆積脂粉空靈非多讀書不可王禹至言歐公文章是含香丸子空靈之謂也用賓年少所造已至此毛嬙西施淨洗卻面與天下美人鬪好吾知武林清氣不爲西湖所占

爾詩話用賓宰安平多惠政行取主事擢御史以請建儲請戍爲十三官之一詩備諸體其佳句逼近晚唐

曉發錢塘

望海樓頭更漏息殘星耿耿江月黑摩肩掉臂爭一門渡
口茫茫行不得何郎操楫近頽岸客子勞如褰衣涉白云
恰受十五人過此一錢辭若直豈意廉賈出君輩人生何

者非貪墨昔聞江邊拉渡客不滿百夫無行色公然劫奪
入船來何異對面爲盜賊水痕欲上與船平顛風撲面孤
帆側誰與習沒是吳兒千載含沙爲鬼蜮今年長吏除弊
政篙工惴惴自投効棄灰徙木令必行以之正用亦有力
我乘輕舟捷于鳥雲到西興未午食腐儒念國豈止此百
感頻生無終極

太原閻百詩先生見示尙書古文疏證因贈

東南淮水壯波瀾魯殿遺經樹講壇不見古人時有恨嘗
疑知者亦良難典型莫忘中郎似譚笑甯同楚相觀千載
梅生應悔作古文尙書乃梅賾僞撰吳草廬歸熙甫
攻訖未盡百詩辨證精詳不遺餘力無瑕
白璧久當完

趙文敏十子碑在宮後今已斷缺感賦

金人辭漢淚收痕一任推擠出里門內院但知元學士東
吳猶喚趙王孫豐碑僵卧人爭寫碧蘚深蟠手可捫殺馬
毀車胡不逝尙留文采動天閭

段昕字浴川安甯人康熙庚辰進士官連城知縣擢戶

部主事有皆山堂集

詩話康熙中滇南詩人浴川與武定錢亮采熙貞昆
明王禱五思訓齊名浴川詩才偶儻雖醜釀未深而
婉麗中多見性情五言如春暮雜興云筑聲燕市酒
春色故鄉心鶯花耽寂寞裘馬看輕肥七言如四十
初度云高堂笑斑衣夢難弟關河白雁天清平道
中云凍雲過盡纔知路羸馬行遲好看山落花云薄
伴東風輕斷送寸心
猶自抱春暉皆可誦

華陽館

燕丹憤激報秦恥壯士悲歌感知己美人嗚咽馬無聲慘
白衣冠寒易水傲倖之謀雖不成繞柱斷襟驚欲死人謂

此舉速燕亡燕卽帝秦亡一耳但惜華陽館不如黃金臺
黃金一築駿馬來三齊鎖鑰朝燕開華陽館荆榛滿鐻鏤
空誤樊將軍黃沙一望斜陽晚

渡荆江

大江鼓雷霆天塹一水劃三峽盪其勢東海關其宅陰晦
神靈號蒼茫虛空白妖豚吹浪來恍惚乾坤折揚帆趁風
過危哉利名客

晚泊有懷

野平萬象寬天外愁相赴況在秋水上浮雲歸薄暮斜日
挂遠村沙鳥爭煙樹鄰檣競欲先歛乃不能任寄身風波
裏萬里念親故華髮冷滄洲有懷共誰賦東望月初生照
我夢中路

過武城謁言子祠

舟曉雨初晴歸然見城壘江流環斷煙人家秋樹裏枳棘
有高枝鸞鳳暫栖止聖賢天下心所至無不理至今絃歌
聲湯湯在流水

安順除夕

半身猶逆旅塵鬢拂霜花樞寄嘶風馬稜寒繞樹鴉殘杯
分歲盡破壁綴鐙斜檢點還鄉夢棲棲天一涯

徐永宣字學人一字辛齋武進人康熙庚辰進士官主
事有雲溪草堂詩

詩話學人爲輯五都憲子嘗以詩求竹垞爲表墓今
見曝書亭集雲溪詩三卷曰師竹集曰春草集曰力
葵集宋牧仲作序歸愚別裁作茶坪詩稟與此異學
人嘗與莊孫服令與輯毗陵六子詩揮正叔格楊起
文宗發胡芋莊香吳陳道柔鍊唐靖元揮宸董叔魚
大倫因感班孟堅學詩之士逸在布衣語遂以六逸

名集孫一士謹方
宰邑爲之刑行

潤州

江山如有待我輩此間行
山上南朝寺江頭北府城
三春添黛色萬古一濤聲
閱盡東西客勞勞役利名

秋日訪朱錫鬯先生

沈尤村僻絕塵寰千箇篔簹水
一灣學道著書無箇事
滿庭黃葉對秋山

茗上

青山澹澹水茫茫半面蒹葭半面桑
都有綠陰維釣艇斷雲微漏夕陽黃

張謙字子吉號西山武昌人康熙庚辰進士官至貴州

巡撫

客夜和南副弟韻

話舊眠難著窺窗雨暗生
驚心聞鶴唳促膝聽雞聲
今夕聊杯酒何年遂耦耕
雁行中道判有夢不分明

董新策字嘉三合江人
康熙庚辰進士
歷官甘肅甯夏道有楞齋詩集

臨潼早發

叫曉天雞寂不聞
紅鐙影裏絕塵氛
人家夜色新豐樹
馬首秋涼華嶽雲
古戍清宵無鼓角
山田儉歲有耕耘
行行漸近三竿日
天遠長安望轉殷

楊守知字次也號致軒又號晚研海甯人
康熙庚辰進士

歷官平涼知府
降中河通判
有致軒集

詩話次也官京曹負詩名出守平涼僅二年坐事左遷晚鬱鬱不稱意嘗過秣陵謁尹文端文端稱其矍

鑠次也舉夕陽無限好只是近黃昏以對文端曰不聞天意憐幽草人間重晚晴乎主賓酬對吐屬不凡東歸留別

孤蹤迢遞落邊城做屣麤官一擲輕射虎何曾侯李廣牧羝幾欲老蘇卿百年已分匏瓜繫半夜居然馬角生揮手關門謝朋好夕陽秋樹晚笳聲

閻愉字敬生一字曠含號菜園昌樂人康熙庚辰進士改庶吉士官長興知縣有菜園詩藁

光黃山行

翛然竹樹外茅屋幾人家煙散千峯白樵通一徑斜山花堪入饌石蘚試烹茶父老驚相訊漁郎何處槎

張象蒲字端臣臨汾人康熙庚辰進士官知縣有桃鄉

影集

秋夜不寐

蕭條秋九月寂歷夜三更漏永思無緒愁多夢不成殘鐙
浮客舍落葉怨秋聲側耳鄰家笛蕭然萬慮清

葉紹芳字際泰號芸三閩縣人康熙庚辰進士官江陰

知縣有捧檄堂草

題楓嶺僧寺壁上

崑堯古剎踞雄關閩浙分疆咫尺間二十八都今夜夢月
明不是故鄉山

何焯字岷瞻號茶村長洲人拔貢直南書房康熙癸未
賜進士改庶吉士授編修奪職仍直武英殿贈侍讀

學士有義門先生集

詩話國初引儒生佐幕府不加爵秩謂之書房相公
入關後如孟忠毅張忠勤馬忠靖輩爲一時封疆重

臣皆由此出康熙中勵近公高江村王坦齋查初白
美西溟何義門諸公以薦陞直內廷蓋猶存舊制雖
其職在講求典籍供奉文字不必參與政事而地分
清切易招羨嫉義門中輩語屢乃得白當時嘗奉命
侍廉邸其卒在康熙王寅政尚寬大得免不測之禍
生平編讀羣書校證精密尤長於平點爲承學所推
仰詩文未編次相傳爲門下所竊至道光間始搜輯
也刻行詩僅二卷零篇碎什其菁華未必在是滋可惜

擬古

澗松自亭亭山苗自離離苗及三時實松乃千歲姿誰憤
苗據高誰惜松處卑殖苗在松下生恐復不宜歲寒松獨
當歲改苗又昌松身漸爲龍松材中明堂天意自有鍾地
勢本可忘苗乎勿亂莠亦得升秋嘗

庭柏旱久色悴漫賦

列叢本長青頗訝雜黑黃雖云異彫落黯然多不揚豈伊

渴天澤姿貌摧昂藏應坐早塵封莫聽勁色彰巖風凝霧
霧掛樹繁曉霜日出但微泣安能發故光何時甘雪尺高
檠射深窗翳霾盡漱浣豁見翠鳳翔北嶺蒼髯身凌寒皎
相望

北方霧凝爲冰著樹
曉白土人名爲樹挂

送友之長沙

憐君獨向此江潯把手河橋淚不禁匹馬西風千里別一
杯濁酒百年心雲開湘水橫孤雁日落荆門起暮碁舊是
賈生遷謫地可應弔古動哀吟

哭毛斧季

歎息老成俄向盡相從較晚恨還深錢馮舊學偏能說蒼
雅遺文苦用心閣上掩書讎未畢門前載酒好難尋生存
殘簡亡來惜自古同悲匪直今

將南歸題旅舍壁

江上春生歸已遲
棲棲九陌竟誰知
一竿自斷鱸鄉老
不用劉生五字詩

黃任字莘田福建永福人康熙壬午舉人官四會知縣

有香草齋詩集

| | | | | | | | | | | |
|---|---|---|---|---|---|---|---|---|---|---|
| 許 | 獨 | 韓 | 直 | 荃 | 音 | 二 | 以 | 後 | 師 | 氣 |
| 子 | 耽 | 蘇 | 排 | 樊 | 悅 | 藍 | 悅 | 曹 | 清 | 豐 |
| 遜 | 於 | 棄 | 側 | 川 | 一 | 林 | 藍 | 鄭 | 麗 | 雅 |
| 日 | 詩 | 婦 | 香 | 之 | 豔 | 然 | 藍 | 少 | 倉 | 之 |
| 莘 | 清 | 詞 | 山 | 長 | 三 | 歎 | 然 | 倉 | 絳 | 秀 |
| 田 | 詞 | 有 | 之 | 有 | 歎 | 銷 | 歎 | 謝 | 目 | 目 |
| 宦 | 麗 | 樂 | 秦 | 妙 | 深 | 高 | 銷 | 小 | 杭 | 工 |
| 粵 | 句 | 府 | 中 | 思 | 情 | 翰 | 翰 | 草 | 葦 | 書 |
| 有 | 錯 | 遺 | 吟 | 有 | 流 | 不 | 不 | 仍 | 浦 | 好 |
| 惠 | 落 | 意 | 也 | 新 | 注 | 自 | 自 | 操 | 日 | 客 |
| 政 | 於 | 五 | 至 | 色 | 於 | 持 | 持 | 其 | 莘 | 號 |
| 罷 | 五 | 言 | 七 | 有 | 其 | 皆 | 皆 | 而 | 田 | 十 |
| 官 | 古 | 言 | 言 | 言 | 其 | 山 | 山 | 高 | 七 | 硯 |
| 歸 | 衣 | 古 | 絕 | 言 | 其 | 霞 | 霞 | 風 | 絕 | 先 |
| 貧 | 羅 | 築 | 句 | 言 | 其 | 居 | 居 | 超 | 笑 | 生 |
| 不 | 帕 | 基 | 致 | 言 | 其 | 才 | 才 | 眾 | 秀 | |
| 能 | 間 | 賑 | 焉 | 言 | 其 | 思 | 思 | 媯 | 韻 | |
| 自 | 七 | 兼 | 以 | 言 | 其 | 滔 | 滔 | 然 | 獨 | |
| 存 | 古 | 玉 | 悲 | 言 | 其 | 多 | 多 | 足 | 出 | |
| 而 | 出 | 溪 | 響 | 言 | 其 | 師 | 師 | 兼 | 兼 | |
| | 入 | 金 | 之 | 言 | 其 | 為 | 為 | 饒 | 饒 | |
| | | | | 言 | 其 | 中 | 中 | 逸 | 逸 | |

詩話萃田循吏文人風華自賞例諸後來其賦情婉
竺類袁簡齋詠古激昂類嚴海珊而醞釀較深風調
近古張南山題香草齋集云一官澹似雲無迹七首
温如玉有情傳玉筍序謂生平所爲詩不下數千首
六十年間直與放翁埒初爲十研軒稟旣而於秋江
集最後日香草箋今傳詩集祇六卷蓋勇於芟棄故
存作多工錄其尤雅潔者

秋晚

秋晚客京洛緇塵衣裳單朔風起暮色激激吹天寒飛鳥
投故林浮雲歸舊巒如何奔馳子欲往無羽翰置腸轆轤
索轉折千百盤置心機杼絲促織千萬端常恐瘦形骸高
堂夢裏看昨來雙鯉魚勤劬問眠餐知我未歸去老淚不
肯乾器業無成就強慰其實難明發不得寐結愴摧心肝
拜石齋先生墓下

明季將板蕩盈廷乖紀綱維公起南服義勇含風霜國是

既委靡士氣多沮傷公思力挽之勁弩千鈞張明體乃達
用所重扶綱常是時急功利樞輔謀不臧公不稍寬假廷
諍多激昂折檻一逆鱗竄逐棲江鄉雷霆未息怒中外申
救章遂興黨錮獄幾罹不測殃株連數十人我祖同琅璫
大王父中允公以石齋先生黨禍同下詔獄囹圄箋楚騷與公相訂商載之序
例中考據得悉詳其後各賜環事勢殊倉皇大厦非一木
公身與俱亡公留心經術爲後學津梁周易與孝經大義
多闡揚所傳十二書存大滌講堂詩歌盡散失家不什一
藏曾貽我祖詩斷墨雙縑緗一字一涕淚至今留耿光豐
碑何峩峩松楸何蒼蒼繫余忝子姓匪徒梓與桑典型肅
再拜立馬空榜程王程迫明發蕪詞代椒漿浩歌北風起
落日吹昏黃

感興

懿彼孤生松結根南山阿獨立不爲好樛枝施女蘿族類
欣有託不在雨露多嘉樹不得所斧斯及樵柯掩抑無復
達乃怨春陽和微情感信芳因風託微波徘徊雲路長揚
靈意若何

嶢嶢者易缺皎皎者易汙方枘納圓鑿其勢必齟齬高明
坐一室鬼瞰生挪揄君子矯自好豈能貶意趨盛氣招重
尤寒情畏厚誣埋照匿光彩被褐懷瑾瑜先民亦有言深
藏貴若虛

天桃無修幹芳桂無直枝世人悅心目翻以屈曲奇緬彼
百尺桐高聳凌雲姿攀折無傍依菁華空爾爲聲色兩俱
淡况復搖落時不惜焦作琴爲君理朱絲牙曠不可作干

秋誰與期

巨鱗潛深池好鳥鳴高枝物性無改移安知彼是非化聲
不相待和之以天倪青蠅止樊棘白璧生瑕疵良由勢使
然扁石履斯卑何不矯健翮高舉盤天嬉冥冥千仞岡弋
人何篡之

四序驟回薄陰魄互虧滿義和傾其輪陽戈不得挽蹇運
鷓退飛危機車下坡去者日以多道里阻且遠絕徑無通
身歧路不顧返感歎楊朱子慟哭亦已晚

蒼莽意所適駕言東出游離心不可寫日夕結幽憂夙昔
秉微尙厚期無薄酬浮沈失志氣艱虞集悔尤及今未喪
寶甌勉敦前修逝將息塵慮長揖歸林邱

題山水畫冊

雨霽陽景升層巒淨新沐無雲氣自蒸未葉山已綠匝
千萬峯潑染八九屋何來幽谷聲丁丁響伐木

山阿有嘉樹葛藟其纍之涼颺急吹葉散落江之湄欲暝
山更寂淒渚生漣漪蒲稗見唼喋遂起投綸思得失安可
知一竿聊復持

瀟灑幾莖竹槎枒一株木怪石蹲其旁懷抱各穆穆古色
兼古心持此媚幽獨

灌木碧逾靜新柳綠可數春風江上村殘日水西路樵人
負且趨宛宛危橋度極浦一帆飛知投何處霧

籬竹鳴颺颺楓林落撼撼霜風晚逾響草屋日之夕遠燒
昏始紅高月淡未白牧笛忽飛聲斷續前坡隔柴門各家
食鐙火出樹隙古路寒煙平何處見人跡

清曉開荆扉知有款門者過橋聞葉聲相見寒林下竹風
吹我書迎君行未把君能少住佳共此傾杯罍流水宜抱
琴泠泠我心寫

隔河種桑柘藹藹浮晴煙芳芷繡平楚餘霞媚遠天前村
曲澗斷荒徑長橋連東皋急農事晚食遲歸田野渡無人
喧一篙斜照邊

結茅秋樹根樹聲響策策高天無片雲一室照虛白遠籟
喧更靜落葉掃還積孤興每獨往涉趣愜所適豈敢生遐
心吾廬千竹隔知無載酒人吾非揚子宅

千巖窮攀躋絕巘非人境豈知六七家卜築在翠嶺天紳
奔石梁雲氣出丹井策杖入浮嵐微茫溼衣領何當笠澤
游湖天霽萬頃七十二峯青峯峯浸倒影

四山暗同雲天地一何肅衰柳凝寒煙凍禽靜且伏悄然
孤篷底能否斗酒足近村無燈火冥濛此焉宿喔喔天雞
鳴晨光啟東旭

李陽冰般若臺篆字歌

海山夜黑風雨吼鯨吞螯擲蛟螭走快劍斫斷生盤拏挂
上神峯大如斗陳倉石鼓多差訛响嘖磨崖難晰剖史頡
銷沈史籀死六國破體紛芻狗上蔡丞相變簡易嶧山之
罌小蝌蚪永元諸儒競祖述說文獨推許祭酒後來歇絕
六百年紛紛作者誰其偶有唐大厯李少監千秋擅名挂
人口斯翁之後直小生此言不忤亦不苟君家侍郎三墳
記片石人間重鼎卣外此落落難購求傳者十遺其八九
我邦薛老峯頭石蚪龍二十四纏糾石上共二
十四字圍以徑尺

深徑寸量度不實見者狃骨屈肉強無折波長戈短刃屹
相受玉筋雙垂折釵腳金鼎半沈露鐵鈕何年飄忽鑱高
青牛鬼蛇神脫跟肘天教斑駁南山阿不作盤敦狎座右
我來捩眼苦畫肚翻恨摩挲不及手敲火礪角敢嚮邇山
鬼呵之野狐守華巖勒以增寶光香臺銷歇亦無有山川
終護蟲魚文雨淋日炙不得朽文字千秋面壁青此是西
來無量壽

端硯

羚羊峽暗秋月高紫雲一片沈江皋欲散不散能堅牢風
紋水紋相周遭窮淵蘊結而甄陶石工下縋斤斧操誅求
窟穴驅鯨鰲羊肝鮮割微腥臊拊不留手濡其膏白葉芭
蕉青葡萄萄中有浮動千溪毛紗帷畫靜松風颺琉璃匣底

鳴嘈嘈夜郎之波牂牁濤百川砥柱歸宣毫廣金石聲甯
非豪

宿羚羊峽

馮夷幽宮鳴鼓鐘老蛟吟嘯吹蓬蓬十洲徹夕擊竽籟一
氣呼吸千萬峯風號水戛聲不了後聲飄壓前聲小雲颯
蓬窗雨又敲竹雞曉破春山曉

暑雨後坐月

雨洗月逾潔氣寒光轉幽露螢不自夜風樹欲先秋烹茗
籟遙起拂琴泉暗流清宵不成夢心迹兩虛舟

立秋

一夕得秋氣商聲颯幾迴西風不可觸千籟萬山來百感
起遙集流年驚暗催井梧何太急飛葉上平臺

幾陣疏疏雨殘荷尙發香秋衫天與健午榻竹先涼露洗
明河白雲銜落日黃蕭齋一蟬噪光景似林塘

所得

所得乃清氣世喧難與言文章蓬巷老霜雪布袍尊萬態
竟何有一靈能久存自家金石響不必出柴門

萬安橋

拍岸洪濤跨半空中七十四垂虹人騎鼉背千層浪衣
捲潮頭萬里風襟帶幾邦山海會梯航終日島夷通端明
善政綿金石詞翰風流兩絕工

珠江夜泊

五羊城下十洲通樓閣宵涵蜃氣空百越女牛星拱北三
門笳鼓水歸東戈船潮暗琵琶月珠寺沙香茉莉風回首

可憐偏霸地漁鏡幾點浸鮫宮

秋日劉鄰初招集羅山堂話榕城舊勝

提封漢代古諸侯百越巖疆百雉樓旗鼓對開天半壁女
牛分拱海東甌山藏城內皆三島水到門前卽十洲多少
衣冠來避地至今名勝擅風流

霸圖荒服足稱雄千步毬場草棘中城角曉吹榕葉月塔
鏡宵颭荔枝風石幢有字銘唐觀銅漏無聲滴宋宮往事
銷沈那可問秋山莫放酒杯空

辛未九日登烏石山

高臺宜曠壑宜幽盡把遙天爽氣收萬井遠煙松外眼千
岡平照雁邊秋衰容綠酒還醅面短髮黃花不插頭齊把
茱萸香滿手海風吹嘯上林邱

山南山北轉紆徐筋力雖衰興有餘濟勝豈須尋蠟屐探
幽祇合坐籃輿踏殘黃葉前朝寺剔徧青苔過客書懷古
登高兩隻絕不應虛度閉門居

西湖雜詩

珍重游人入畫圖亭臺繡錯與茵鋪宋家萬里中原土博
得錢塘十頃湖

珠襦玉匣出昭陵杜宇斜陽不可聽千樹桃花萬條柳六
橋無地種冬青

舟過金利墟

鷓鴣飛上古祠啼蕉葉墻高竹路低惆悵相思不相見木
棉花發日初西

歸舟雜詩

閒人不放去投閒日日尋閒是強顏今日野夫閒得否一
帆雙眼萬千山

落帆去陟飛來寺半日聽泉亦夙因不爲歸舟甯有此溪
山何負退休人

商元柏字今素嶧縣人康熙壬午舉人官諸城知縣有
商氏剡藤詩鈔

游仇池塢訪道初和尚

一徑盤旋上巉巖不可攀白雲藏野寺黃葉滿秋山人語
晴煙外禪心碧水閒蒲團隨意坐倦鳥帶雲還

李蓮字石湖號少峯鍾祥人康熙壬午舉人官南昌知
縣

石城

晉代衣冠空薜蘿石城埤垵尙峨峨鎮雄江漢山增險藩
撤孫吳水不波混一方知臣力瘁憂危孰料女戎多廢興
堪下千秋淚若問浮名心已磨

莫愁村

村鎖寒煙定幾秋居人尙說錦繡頭無情最是春來水流
盡桃花不管愁

秦文超字偉士長沙籍無錫人康熙壬午舉人官浦江

知縣有涵村集

詩話偉士與唐赤子陳滄洲往還皆楚之名士也其
宗人奏恆齋序其詩謂意致凡原有獨立不羣之概
爲宰時著有浦龍政略書雖
不傳蓋亦思有所立於世者

燕中吟

貞女恥自媒大儒恥自銜古人藏巖穴賢聲動州縣安車

聘不出明王猶北面季代重制科詞章羅英彥士氣日以
靡士心日以變四方竊名流被褐來畿甸濫刻詩與文彼
此相誇誕朝暮馬廐中欲乘闈吏便東閣與西掖千金重
一見是曰通聲氣不惜身卑賤有時關節靈鳳池叨首薦
得意驕後生衣鉢相流傳亦有不得志奔競日云倦譬彼
倚市門色衰遭人譴窮通由彼蒼豈必事攀援徒喪廉恥
心千秋汗筆硯不見韓范輩浩氣留書卷

周子德字是輔號筆山保山人康熙壬午舉人官德化
知縣

過滇楚憶舊游紫溪山寺

十里松陰蓋紫溪昔年曾借上方棲行來絕頂千峯合俯
瞰諸天萬象低地僻不驚林鶴夢雲深常任谷禽嗁何時

再遂登臨約一任山靈索品題

王之球字天玉雜南人康熙壬午舉人有謹山堂集

文社待友人

草露迷荒徑林風盪小橋同人期昨夜結社待今朝秋水
連天動村煙帶日消佇懷前路客散步尙逍遙

感懷

懶性從今慣愁顏隔歲生百年能有幾一事渾無成望日
懷君國攤書憶父兄記存金石語誰悉此中情

賈瑀升字月塢長子人副貢官上杭縣丞有客窗詩集

望匡廬山

指顧青牛谷遙空隔翠微雲從山腳起江向石根圍洞鹿
銜花卧鑪煙抱樹飛廬山眞面目可許一攜歸

晚晴簃詩匯卷五十五終

晚晴移詩匯卷五十六目錄

查慎行

五十七首

查克建

二首

王式丹

五首

錢名世

四首

蔣廷錫

九首

徐潮

一首

趙殿最

一首

涂天相

三首

陳邦彥

一首

吳廷楨

七首

宋至

六首

萬經

一首

閔衍

一首

曹維城

一首

胡期恆

三首

劉青震

一首

王企堂

一首

王霖

五首

全軌

十八首

翟一枝

一首

南天章

一首

浦銑

一首

晚晴詩匯卷五十六

徐世昌

查慎行初名嗣璉字夏重又字悔餘號初白海甯人康熙中以舉人召直南書房癸未賜進士改庶吉士授

編修有敬業堂集

王漁洋曰夏重詩黃晦木先生常比之劍南余謂以
近體論劍南奇創之才夏重或遜其雄夏重綿至之
思劍南亦未之過當與古人爭勝毫釐若五七言古
體夏重麗藻絡繹宮商抗墜往往有陳後山元遺山
之風重沈歸愚曰施注蘇詩行世久矣敬業補所未
及兼多駁正所為詩得力於蘇意無勿申辭無勿達
或以少蘊藉議之然視外強中乾褻
面目而失神理者固孰得而孰失耶
詩話國初諸老漸厭明七子末流科曰至初白乃專
取徑於香山東坡放翁祕唐祖宋大暢厥詞為詩派
一大轉關其自言在熟處求生題癸未後詩彙云平
生伯拾楊劉唾甘讓西崑號作家大旨昭揭歸愚有
微詞則門戶之見也初白以詩受知仁皇未通籍
卽入直南齋嘗因賜鮮魚紀恩詩有云笠檐蓑袂平

生夢臣本煙波一釣徒最邀宸賞宣召時呼煙波釣
徒查翰林世比唐韓翃之春城無處不飛花傳爲
玉堂嘉話蒙賜御書敬
業堂額因以名其集云

水西行

烏蠻遺種稱羅鬼剽悍斷頭能掉尾傳從濟火年代深世
土居然屬宣慰我從里俗詢大概復取興衰質諸史中古
荒茫不足論淵源請自先朝始洪武初年禍亂平遠略槍
荒來越嶺是時奢香一巾輟躍馬金陵謁天子承恩歸去
立奇功一諾西南九驛通卻笑五丁開不到亂山高下隔
蠶叢二百餘年太平業世世分藩比臣妾後來生聚啟規
模四十八支互蟠結別開荆莽起臺殿硿戶礪房高櫛櫛
已分王土作王臣旋練夷兵護夷穴剝牛磔犬片言重聚
蟻屯蜂一呼集布囊籠髮氈覆肩負弩操刀輕出沒泰和

功烈汾陽亞神廟中年平播賊當時亦用水西兵驅使前行借餘力釀成殃禍啟禎朝殺吏圍城氣漸驕深宮南顧鞭難及諸將西征功屢邀土司如狼吏如鼠八捷餘威棄歸路內莊一夜隕河魁明日三軍齊縞素眼中大創真無幾可惜偷安旋就撫閣鴉關外曉傳烽靄翠營南夜鳴鼓邇來桑海變須臾此輩根株未盡除夷性陸梁還似故朝家謀略故非疎經營特借強藩力辛苦開疆一載餘至今父老猶能說墨守輪攻真勁敵老窠地險石作城要隘不容雙騎入銅牙毒矢斃濡縷竹柄長矛利鉤棘馬蹏過嶺捷于猱革甲環身輕似葉連宵斫陣萬炬明散入深林曉無迹蛇神蠱鬼助饕虐飛食人頭吐人血若前路斷臨奔壑失勢一摧千萬尺四山伐木斲作廂裏用牛皮盲生鐵

石椒懸絙下槌門雷斧轟天巨靈劈攀藤健兒氣力盡拍手蠻娘笑投石重圍坐困又經時轉粟方愁乏良策豈知存滅總關天渠首終成戲下懸萬嶺提封開四郡一朝腥穢滌千年自此巖疆少蜂蠆餘威遠懾諸苗砦空留徼外廓清功自蹈人間僭亡罪此日重勞問罪師烏飛三匠失棲枝忽傳耐德生還日趙氏中山尙有兒烏蒙犄角稱甥舅曾是安坤舊婚媾也挈遺孤代乞哀復歸故土希恩宥頗聞軍令競邀驪滿許閒田復見還土貢紛紛呈鐵踏庚苴往往賜銀盤寄語封疆諸大吏從前開闢談何易莫貪扯手納金錢此事孤雛有深意輸糧禽賊爾何功王會圖成戎索同不見天心今厭亂戰場新鬼盡英雄

班師行

滇池平滇水清滇南曠蕩餘空城犬無夜吠雞不鳴將軍
奉詔初拔營幾姓分旗徧行賞同時帳下添厮養何取邊
頭戶口繁十年生聚滋奸黨白頭翁媪唬且僵棄擲不得
收戎行翻身一仆委溝壑骨肉滿眼紛飄揚紅顏如花扶
上馬坡高驚墮珊瑚把兒郎新嫁羽林軍山下人逢執鞭
者近前一隊飛塵起中有傷心淚偷灑朝家本意重開邊
劇賊初平近十年爾等纍纍皆鬼妾偷生敢復祈哀憐卽
如滇城圍七月未能下戍卒壘頻高書生箸誰借君不見
禁旅一出西南通煌煌中旨褒膚公參軍誇謀士誇勇逢
時多少稱英雄綠旗只合就裁汰那許尺寸貪天功從此
歸成垂白叟賣刀買犢安農畝猶及生兒際太平家家相
賀持羊酒

母豬洞觀瀑

蠻中六月交山路苦焚蒸臥聞夜雨來快起尋乳穴入洞
微有聲足底響鳴咽出山忽震怒閃睒不容掣巖前匯奔
流人駭馬辟易來如曳組練一綫注飛白跌爲淵潭深湛
湛落澄碧石牙互參錯吞吐霹靂舌直從灣潭底跳沫騰
百尺慘慘天變容凜凜風作雪岡頭杜宇叫萬竹剗然裂
將歸得奇觀頓解肺肝渴

同人中秋集陳奇齋宅

南游我昨逢佳節兩度中秋瘴如墨去年對酒洞庭湖萬
頃平波鋪練雪電光一瞬等閒過倏忽還家又今夕良朋
折柬邀共醉憐我恩恩復行色晚來微雨過城西影落人
衣月東出明河一洗秋容淨海氣天光較然劃街頭無人

宿黎洲夫子武林寓舍卽次先生丙辰九日同游舊

韻

徑路先須辨陌阡眼中榛莽正鉤連肯攜芸蠹隨書局任
放醢雞覆甕天出處心情三聘後滄桑人物兩朝前先生
高卧貧何礙流俗知音恐未然

送魏環極先生予告還蔚州

曳履星辰二十年尙書襍被故蕭然勇能自斷天難奪清
畏人知世已傳白社竟成娛老地黃金不貯買山錢閒雲
一片秋寥廓何限風光倚杖前

嶽嶽寒松表御書

寒松堂公臨行時御書賜額也

新堂歸到好懸車身名

似此真無愧進退何人綽有餘報國文章傳後起請無僞中翰
立朝風骨想當初不因祖帳東門道太息方煩比二疏

金章宗手植松在壽安山西嶺上

壽安山頭一老松從下仰視青童羽衣仙人擁蓋立柄
短卻作僵僂容我思躡屨苦無伴范老性華興到許我從
婆娑初自枝亞入中乃可置一畝宮四傍四枝分四面側
理橫出交蓬鬆東西南北不相顧意到各自成蚪龍中間
大枝裘挈領高勢一攬收羣雄其旁峭壁截牙角直下千
尺方藏鋒蒼髯尾掉空際蜿蜒飲澗天投虹千山萬山
似搖動鱗甲未斂雲濛濛須臾夕陽轉西麓脇下叟叟生
微風一聲老鶴忽飛出竿籟散入鄰菴鐘老僧指似時代
古手植傳自金章宗是時朔南罷兵革貢使一一舟車通
明昌泰和號極治擊毬詐馬習俗同近郊亭館恣游宴逐
獸不入深榛叢遺山野史有深意國亡事去忍更攻孤臣

飲泣記舊恨肯畏後世譏不公洗妝樓空春月白射柳圍
廢秋花紅一朝故物獨留此鬱鬱幸自蟠蒼穹邇來四百
四十載坐閱桑海如飄蓬輪囷差堪伍社櫟瀟灑猶足驕
秦封君不見報國門前數株樹託根悔落塵埃中

酬別鄭寒村

闌風伏雨兼旬卧晴路一鉤新月破簾前暑退得新涼門
外泥深成埒坳此時有客過言別蹙蹙毛驢壓歸馭囊空
鄰酒賒不來醒眼相看但愁坐一篇削棄辱佳序七字留
詩慚屬和余才舛陋非爾敵強以珠璣承咳唾甬東同學
屈指論往往傳經接師座故人再與瀛洲選一鄭榮陽尙
摧挫失羣行李獨淹泊有價文章久傳播燕山此度六往
來未免征衫被塵漉干時少術非爾病當路無援是誰過

向來人盡棄所長遠到君能見其大古人可作迺殊代同
調相求凡幾箇勿將時命較窮通只許才名出寒餓羨君
有志成果決笑我無端逐游惰偶逢知己私自歎每送歸
人輒相賀荆榛滿地羊觸藩日月周天蟻旋磨故鄉樂事
殊可憶欲往從之正無那秋風一騎不可留八月江田熟
香稞

喬石林侍讀一峯草堂看花同外舅陸先生朱十表
兄錢越江周青士孫愷似湯西崖分韻

愛花成癖不待招春來徧踏東西郊起聞嗁鳩送春去猶
跨短鞵搖吟鞞斜街草堂地清絕瘦藤當戶拏老蛟土牆
面面紅翠堵沙徑曲曲青盤坳礬頭暗皺高下石亭子乍
翦離披茅巧從陰借桃李杏惜少水養菰蘆茭棠梨素妝

太淺澹繁蕊亂折丁香苞新開海棠好顏色兩樹氣壓千
花梢主人爲言初買得舊根帶土枯蒲包擔頭親爲解其
縛位置特許依書巢栽培本關造物意人事未盡休輕嘲
顰泉口嘗手自灌及見紅豔青葱交他人買圍身不到君
乃僦屋情難拋花時連日得休沐剝啄有客門頻敲行攜
几榻隨分設野蔌蒸樽窪匏偶然興到觸佳句已被萬
手爭傳鈔我詩不工強屬和出語毋乃同號嗽不成甘受
金谷罰忍負新月垂弓梢

送趙秋谷宮坊罷官歸益都

時秋谷與余同被吏議

竿六逢場一笑成酒徒作計太憨生荆高市上重相見搖
手休呼舊姓名

劉魯封章指摘生滄浪大可濯塵纓肯言預會皆名士誰

似君家老叔平

君別蓬山作謫星我從霧谷擬潛形風波人海知多少聚散何關兩葉萍

南北分飛悵各天輸他先我著歸鞭欲逃世網無多語莫

遣詩名萬口傳

秋谷贈余詩有與君南北馬牛風一笑同逃世網中之句

初冬拜朱大司空墓感賦

城南舊是陪游地一片蒼涼野哭中宿草墓門黃葉雨亂鴉祠宇白楊風餘生削迹誰知己往事傷心我負公肯信九原還有路人間何處不途窮

漢瞻自洞庭先歸詩以志別卽次見贈原韻

兼旬索句添窮忙草根唧唧蟲鳴霜尙慚皮陸作唱和敢與李杜爭光芒君詩盡納三萬派山骨巉巉波洋洋登壇

欲來執牛耳取徑故險迴羊腸林深霧黯蓄幽氣虹見雨
霽開晴光吟從舌端作倔強寫向紙面生低昂稍嫌工遲
似司馬容我笑傲林泉旁憶初弭棹同卧起明朝聯臂登
高岡穿松踏石困俛仰攀躋中道多徊徨奇峯忽拔二千
尺快劍磨出蓮花鋸聳身側足狂叫絕生平奇境得未嘗
三湘七澤舊雖到卻溯洲渚攀孤芳黃金荒臺感燕士畫
棟高閣悲滕王十年浪走癡已極游蹤脫略失故鄉星埃
大笑一回首攝衣纔謁三高堂所嗟筋力就疲憊漸遣興
趣成頽唐眼前又當搖落候蒹葭露白秋蒼蒼不知此中
有何樂對爾意氣還飛揚男兒生涯志未豁善刀合學庖
丁藏百觚醉汲鄰叟甕一枕倦寄高僧房得道在先成佛
後茲理反覆天應償逢人但拜孟東野去我獨惜張文昌

扶筇縹緲有夙約

與漢瞻約游西山未果

肯計盎底無餘糧風波衝

冒總爲此子今束書我亦將行當長謠答黃竹不爾妙曲

廣紅桑鬱鬱誰能耐離索空樓夜雨思連牀年來萬事經

眼見窮達竟分姜與湯

不分窮約姜與湯漢瞻舊句也謂西溟西厓

舊游如夢

那可說祇有末路堪評量名山業豈異人事慎勿屑屑耽

詞章

石鐘山

鄱陽吞天來噴薄南出口江流不能敵抵北乃東走懸崖

峙西灣水勢掃如帚孤城艮其背外捍賴兩肘靈區聚神

奸石狀雜妍醜平鋪理橫截旁罅中劈剖能罷飢攫人奇

鬼起援手蜂窠掛篙眼烏卵破窻缶一一皆下垂中空無

一有有時應鞞鞞照影見星斗忽然風喧厯聲作蒲牢吼

年深追蠡壞兼恐石斷紐惜哉坡公記石刻泐已久

蘇公石鐘

山記舊刻於南鐘石上明正統己巳石裂仆於水今失其處矣

茫茫宇宙間孰是真不朽

五老峯觀海綿歌

峭帆昔上鄱陽船我與五老曾周旋兩塵相隔骨不仙蹉
跲負約十四年近來稍知厭世纏筋力大不如從前扶行
須杖坐要復絕境敢與人爭先山神手握造化權走入南
極分炎躔鞭羊欲從後者鞭假以半日登高緣風清氣爽
秋景妍芙蓉千丈開娟娟長江帶沙黃可憐湖光爭洗顏
色鮮背負碧落蓋地圓尺吳寸楚飛鳥邊初看白縷生棲
賢樹杪薄胃兜羅縣移時騰湧覆八埏四傍六幕一氣連
滔滔滾滾浩浩然渾沌何處分坤乾近身扁石履一拳性
命危寄不測淵陽烏抵撲光倏穿飢蛟倒吸無留涎以山

還山川自川五老依舊排蒼巔來如幅巾裹華顛去如解
衣袒兩肩酒星明明飛上天人間那得留青蓮此時此景
幻莫傳頃刻變滅隨雲煙

王文成紀功碑

明朝制科號得士吾鄉前輩尤絕倫于公王公後先出往
往艱大投其身朝廷坐收養士報倉卒定變皆儒臣正德
己卯夏六月逆濠犯順江湖濱公然舉兵思向關三郡一
閩生祇塵皖口駸駸勢將下留都岌岌恐震鄰是時海宇
正清晏武備缺略久不振公方持節撫南贛似可觀變徐
適迺同仇大義憤所切守土敢限越與秦出師必待九重
詔是謂以賊遺君親飛書插羽聲罪討攻所不備真如神
自從擣巢及執醜通計時日纔兼旬軍門戎首已面縛天

子韎韜方南巡石頭城南獻誠罷待命行及明年春周公東征尙跋扈形迹詎可拘忠純盈庭宵小古亦有忌者愈眾節愈伸初心祇期濟國事豈必畫像圖麒麟茲山勒銘蓋有故深刻歲月題庚辰紀功非夸乃紀實書法道勁辭溫醇首從伐叛敘始末繼舉神武歸丹宸天方嘉靖我邦國誰其紀者臣守仁隨征官屬例得列惜哉名姓今俱湮讀書臺傍一片石百四十字磨崖新逸事吾聞長老說宏治乙榜凡三人後來立朝適共事數本前定非無因胡發其奸孫殉難公乃一手回千鈞宏治五年吾浙鄉榜公與年場中見三巨人傳爲異事及宸濠之變胡首煌煌勳業發其奸孫以巡撫死難三人共此事亦一奇也煌煌勳業本德性出遇世會開經綸質諸百世可無惑似此理學甯非眞後來輕薄好詆毀撼樹不過欺愚民如公表見猶未

免此外何以加冠巾手磨碑碣發長嘯白日皎皎懸秋昊

拂水山莊

松圓爲友河東婦集裏多編唱和詩生不並時憐我晚死
無他恨惜公遲崢嶸怪石苔封洞曲折虛廊水瀉池惆悵
柳圍今合抱攀條人去幾何時

鷹坊歌

風林蕭蕭夏脫木坊以鷹名似牛屋其中最大名海青戴
角森然異凡畜我初識名自遼史特產曾傳女眞獨楛矢
同來肅慎庭初時底貢猶臣服屢求難厭禍旋結兩國興
亡手翻覆天教此物雄海東自長窠雛成一族

康熙天子神聖姿駕馭英雄兵不黷每因纘武勤校獵遠
致奇毛比臣僕紫荊關外秋氣高狐兔甯容草間伏腥風

霍霍滿天地白日無光散原陸揚旛表貉出從禽王用三
驅力爭戮是時海青更精悍臂出綠鞵調養熟翻身一去
高沒雲注目秋空走馬逐蹏間十丈莽開闊驀過林巒躍
坑谷忽看天半挾天鷲奔電流星下投速羽林健兒拍手
笑奏凱不煩遺矢鏃卻來斂翮復依人仍以黃繚掣雙足
三時飼養一朝用如許恩波等休沐奉先性在飢附人定
遠功成飛食肉不知給俸視幾品肥瘦論斤常量腹生牛
乍割血猶紅小鳥一吹毛盡禿見人作勢俄聳肩獨立有
時還側目無端對此我心惻相向移時額顰蹙獅兒噉虎
魚食蝦吞噬成風傷末俗生意漸微真可歎殺機欲動休
輕觸以仁易暴古所云恃猛爭強非汝福我願皇天仁百
物常產鳳凰生鷺鷥自然郊藪萃禎祥盛世多珍四靈畜

沈客子舊寓都門所居曰獨樹移自撰七言古詩曹

實庵錢玉友湯西厓皆有和章今來索余補作仍

次原韻

沈子清才在塵埃有如茵蒼生淤泥又如服鹽駕鼓馬下
有逐電追風蹶青衿蚤爲命所制百寶未了酸寒藿三年
四門作都講啄粒亦到官倉稊人中嵇紹本易識孤鶴氣
壓千羣雞家家朱門當大道爾獨隘巷尋卑棲歸來欠伸
看礙戶一笑入戶頭仍低空庭得樹翻自喜有滄仰視雲
萋萋忽驚霜禿九秋幹旋見雨長三春萸墮巢晨拾赤腳
婢落葉夜掃長鬚奚問君此間亦何樂乃挈穉子攜山妻
狂來對客發高論塵柄手提談天犀北郭槁枝聊隱寓東
方窶藪真滑稽孤松祇宜伴彭澤五楸大可娛昌黎翻身

買權竟南下野性終近深山麝故園喬木正合抱叮嚀旁
接澆花畦昨非今是恍夢覺涉腳尙淺幸未迷伐檀河干
等無用美哉河水清漣兮

邯鄲呂翁祠

幻妄浮生豈有涯何妨鼠穴駕牛車貧兒好作游仙夢怪
事偏傳小說家古道蹇驢多北向空庭秋日又西斜人間
官賤黃金貴乞與燒成九轉砂

過鳳陽城外

帳下居然識帝王千秋閭墓表滁陽時來將相皆同里淚
落英雄有故鄉芒碭天青雲氣散江淮月白水聲涼龍蛇
變滅須臾事猶指山名號鳳凰

元老還朝起廢臣二陵收氣避黃巾忽聞淮泗聲援地已

奉邯鄲假號人南渡半年輪弱晉西來羣盜甚苻秦青絲
白馬他年恨草木餘威在壽春

甘泉漢瓦歌爲侯官林同人賦

林生老立專門學金石遺文卷盈握曾經從宦走長安斷
碣殘碑薜親剝昭陵蹟廢補亡闕磨石山高穿硤礪冰霜
裂面虎豹嗥沙礫堆中拾完璞摩挲銅狄自何年萬棟灰
飛片瓦全爲按黃圖考宮殿始知地是漢甘泉底平面正
規而圍肖形似鏡還如錢其高半寸徑三寸旁具輪郭中
不穿土花蝕後文留識上有長生未央字龍拏鳳攫結撰
奇肉厚肌疏形體異與人作硯不中用抱質如初無變置
吁嗟乎楊南劉敵不作識者希時俗誰能辨真僞巧多滋
僞樸者眞此瓦人間蓋無二豈同冰井香姜閣埏埴紛紛

託疑似勸生勿更加礪磨本色須教存古意生領此語索
我詩我詩質直無娉辭請煩拓致數十本徧乞羊何共和
之或恐流傳落人口陶甄又復成今手

仙游茅筆歌

羣上海上來絡繹趨九仙仙翁此山住示夢於幾先

九仙祠祈

夢最靈

山中老樵枕石眠斧柯斷爛不記年夢中髣髴遇神

授筆花晝吐黃茅天覺來信手縛不律巧被筆工偷妙術
遂令九仙祠下三春茅用與雞毛鼠鬚匹中書免冠頭不
秃菅蒯居然效微質幸渠一束價未高殿頭簪珥非汝曹
若教朱墨官盡取便恐仙山成不毛君不見連山伐竹兔
拔毫鐵梳膠綴何其勞穢史自執奸吏操直與此輩供錐
刀老夫鈔書指生繭怕搦人間管管管塗鴉結蚓隨爾爲

不要殘年護吾短

西湖權歌詞

湖面平添積雨餘放生池外葑初除誰司水族加恩簿開
過桃花未打魚

鑿開混沌著丹青落石猶疑處土星白鶴不歸梅樹老鷺
鷺飛上御書亭

萬葉千花綴彩棚火蓮龜背吐層層不知白日長多少又
點湖心照夜燈

蜂喧蝶鬧奈春何拂面風香過綺羅此意少年應未曾第
三橋畔落花多

連日恩賜鮮魚恭紀

銀鬣金鱗照坐隅烹鮮連日賜行廚感踰學士蓬池鱠味

歷詩人丙穴腴素食餘慚留匕箸加餐遠信慰江湖笠檐
蓑袂平生夢臣本煙波一釣徒

恩賜哆囉雨衣恭紀

短褐頻趨道路塵青氈猶是向來貧爲憐襪襪隨朝士特
賜哆囉出屬寶燥溼推恩慚厚庇短長稱意荷終身從今
聽雨聽風候倬直堪誇楮楮人

秀野草堂圖歌次願十一俠君原韻

王麓臺仿董文敏盧鴻草堂筆

意朱竹垞有記

某樹某水與某邱曠懷往往消百憂無端弓旌被纒鎖坐
對塵盞生牢愁盧鴻草堂圖閱世已千載十志並流傳其
人儼如在問誰好事供瀟灑毋乃眞迹留王宰華亭最晚
出樵本發精采今之妙手繼者誰摩詰前身應畫師丹青

一變粉墨骨寫向尺幅尤雄奇云是吳中小秀野何斯佳
境移於斯堂中主人願十一結客論文兩豪逸百家汎濫
流溯源萬口喧傳名副實我是當年入座人淋漓衫袖梨
花春愛其披豁氣誼眞丰格彷彿餘先民宴衍之樂非絲
竹水色煙光八窗綠半酣颺沓風雨來歎玉跳珠三百斛
鐵崖老矣阿瑛貧空巷閒拋薛蘿屋可憐相見鳳城西儼
舍還同燕子棲猶能折柬致朋舊局促肯放詩名低我詩
胡足道依樣葫蘆畫中稟惟君癖嗜之擘紙含毫共研討
留題慣惱麓臺翁作記深慚竹垞老吁嗟乎神仙富貴孰
有無默存豈必皆清都夢中五岳巾箱圖君歸來兮挾我
俱以神爲馬遽爲廬一息十反良可娛賃春醴甌難久居
乃獨憐君屋上烏

自題涪熙修內司官帖後

涪化祖帖絕難得南渡摹勒傳涪熙其詳載在輟耕錄官
本舊推修內司臨江太媚絳潭瘦字體特取豐而肥曾經
翻刻凡幾辛亥帝虎辨者誰形模粗具木偶爾神理了
不關鬚眉近來此本亦不易世代漸遠宋拓稀大觀之後
此其亞僅與閣帖爭毫釐有如虞夏祖顛頊要是嫡派非
橫枝昨從廟肆見且駭尤物乃落駟僧兒裝褫仍用毬路
錦十卷首尾完無虧叩之高索錢五萬而我囊乏三錢錐
少需使恐被豪奪一計猛出居巢奇烏驢克貨價相直快
挾墨寶徒行歸入門夔婦告米罄一笑那顧朝來飢明窗
小几風日亮塵垢不敢侵吾帷古香透紙辟蟬蠹元氣入
骨騰蛟螭熊熊異光黑點漆滑滑膩理膚凝脂試臨只愁

鬼掣腕旁睨幸免食朵頤嗟嗟世俗慣傳誤目所未覩公
謾欺曹家譜系格古論歲月舛繆餘可知偶憑一端爲駁
證食古以耳皆如斯

瀆山酒海歌

在焉又南數十步爲真武殿庭前老榆

一林下有元時玉酒海承以石林立色青碧間以
黑章白暈旁刻魚龍海馬出沒波濤之狀口面約
廣三尺餘隨其質爲凹凸若荷葉然形製樸古膚
理溫潤中容四五石許壬辰正月十九日借雲間
高不羣送客往觀摩挲久之按元史世祖紀至元
二年十一月瀆山大玉海成勅置廣寒殿輟耕錄
云廣寒殿在萬歲山頂中有小玉殿內設御榻左
右列侍臣坐牀前架黑玉酒壺一車駕歲巡上都
先宴於此燕都游覽志云今御用監中有小亭亭
內一玉缸體質頗潤中積水外以朱欄護之卽廣
寒殿中物也送客屬子紀其
實因參考舊聞而系以詩

雲間高生精賞鑿嗜古搜奇確且贍朝來導我出西華指
點前朝御用監監南新棚元都壇當門老檜青蛟蟠舊聞

酒海今落此共歎體質猶堅完瀆山巨璞初無價誰遣不
脛來輦下至元巧匠雕琢成萬歲山頭設高架天然位置
平不頗瑣窗八面開重阿石龍吸水上霄漢倒瀉溢爲太
液波波光翻動廣寒殿滿瓊蒲桃映華瑱侍臣多著質孫
衣質孫燕服見元史世祖紀天子親臨詐馬宴電轉星流四百年故都
何物不推遷曾承沆瀣依天上流落人間亦可憐亭虛無
復朱欄護頽砌旁連髹器庫天吳跋浪鬢鬣張只與空庭
飽風露君不見周彝商斝近來無形製爭傳博古圖爲池
爲海將安用笑爾幾同五石壺

殘冬展假病榻消寒聊當呻吟語無倫次錄存十六

章

卧看星回晷景移流光冉冉與衰期人言宦海藏身易自

笑生涯見事遲夜似小年寒漸信病非一日老方知惟餘
尊菜思歸興蚤在秋風未起時

憶昨公車待詔來微名忽忝廁鄒枚主恩不以優俳畜士
氣原於教養培身作紅雲長傍日心如白雪漸成灰依稀
一覺游仙夢初自蓬山絕頂回

茫茫大地託根孤只道煙霄是坦途短袖曾陪如意舞長
眉難畫入時圖移鐙見蠟甯防毒誤筆成蠅肯被汗竊喜
退飛猶有路的應決計莫躊躇

雨露榮枯共一天塵沙聚散幾同年車摧御怪蓬猶轉玉
碎何圖瓦幸全蠃穴冰封殘雪後雁程風緊夕陽前故人
珍重留行意回首觚稜自惘然

盡遣兒孫歸故里尙留弟妹伴他鄉囊空預借三年俸祿

入粗供四口糧舊積詩逋呵凍了近添酒債典衣償蕭然
此外無餘欠領取南窗枕味長

一榻中安四面虛放朝暉似放參餘篋中棄扇蟲緣網案
上停鏡鼠避書過隙光陰隨夢去就衰筋骨向陽舒重簾
可有纖埃到做帚殘箕罷掃除

膈膊聲中好送寒偶然爲客設碁盤後來或者居人上先
處無如占地寬黑白當前饒勝算高低隨分有爭端老夫
兀兀支頤坐看似分明下手難

科詔加恩典不常征輶就道輩相望抱經佚老頭多白拾
芥羣兒口半黃慘澹風雲憐入彀冬烘頭腦怕當場退身
引疾猶多愧我昔曾荒陸氏莊

海內連年喪老成南傷秀水北新城讀書自要師前輩知

己誰能託後生此段人情看爛熟向來士習例相輕笑他
江左衣冠族誓墓區區爲角聲

地降天升氣不交羽禽何物尙膠膠霜濃四野鴉爭粒葉
秃千林鵲露巢各有經營甯得已未知辛苦定誰教息黥
補劓勞生事蓋頂終須一把茅

經旬坐穩一蒲團纔閱朝寒又晚寒蘊火梅欣先臘放避
霜菊耐涉冬看散花菴裏新居士視草臺中舊史官勿著
兩般分別相大千世界本來寬

不畏羣嗤不受憐孤行一意久彌堅敢誇願大難成佛肯
舐丹餘蚤得仙方朔文章多詭俗放翁家世少高年色經
指訣全拋卻人壽終非草木延

宜忌拘牽十二三靈苗毒草比粗諳性存薑桂何妨辣味

到苓連不取甘好友勸嘗眞苦口庸醫隔膜漫多談古方
難適今時用此理如禪在細參

卻病奇方乃避囂遠坊兩板閉蕭條室無歌妓何煩遣鄰
有鄉僧不待招

謂借山

石鼎濤生茶正熟銅爐灰陷火潛消

雞鳴漏盡人誰覺又聽門前過早朝

叢書三館校讐忙訝許閒情付墨莊樗本不材良匠棄屠
非絕技善刀藏冬菹剩飽園官菜歲賜刪除博士羊轉益
從前素餐愧大庖珍膳日分嘗

童時了了記觀河六十年忽已過眼暗耳聾知老否葛
涼裘暝奈身何一帆去國談何易萬卷無家累亦多愛惜
精神圖省事明年兼擬謝詩魔

三月二日偶游硤石精舍

三月風光連上巳人如蛺蝶鬪裙衫兩山鐘磬東西寺十里煙波遠近帆拄杖我來尋履迹題詩僧乞署頭銜篋中亦有新排集儻許經房貯一函

船趨風歌

吾聞千里以外風不同人間乃有萬里之長風來從海上梅雨後紀自西郊野叟眉山翁古稱博物家無若周元公爾雅釋天篇八方風色以類從北涼西泰凱南谷自東顏姦飄庖暴昌暄一一命義無相蒙周禮保章十有二妖祥乖別占荒豐下而莊生齊物論以至應劭風俗通颺颺颺颺颺颺颺叫喙吒吸咬于喁名雖巧排比語實工形容船趨之名特未悉土俗傳說惟吳中吳中五六月水盛溽暑方蘊隆此風東南來一掃雲翳還虛空商羊黑蜮潛厥蹤

炎官亦退三舍避大啟橐籥伊誰功三日溼氣消五日暑
氣融連綿七日九日尙未止快哉何暇分雌雄羊角初從
何處起合而爲一浩蕩來無窮國家象胥譯九重白雉入
貢兼青熊良商豪賈狎海童高帆幅亞樽桑紅中男長女
各效職飛渡溟渤如輕鴻此時田間一老翁置身恍在蘭
臺宮不知人生更復有何樂但向北窗高枕卧聽聲蓬蓬

清遠峽飛來寺

兩崖勢欲合中被江流穿上有佛者廬飛來自龍眠神人
所施設是物無頭堅想當册關初風雨驅神鞭鑿開渾沌
竅巧貯聰明泉僧房若蜂房一一皆倒懸爾來幾閱世不
計草木年磐石具生機長根外包纏波濤潤其趾日月行
其顛散爲松柏香聚作桺檀煙蔽虧東西景軒豁子午天

呼猿在半空日暮躋無緣清寒難久住仍放出峽船

雙石

南中英石硯山多出工匠補綴而成惟產自沙土中天然無刻畫痕者斯爲上品余歸笈得二枚焉一爲佟中丞所贈峯勢迴環中穿六孔一爲姚番禺所贈勢若飛雲孔大小倍之以尺度之長皆三寸許世所稱皺瘦透者殆無美不備此游獲此亦足以豪矣今日行過德慶舟中無事羅列几案賞玩不足紀之以詩

韶州山石奇英州山石秀人言奇者雄不若秀者瘦蒼龍骨離立歲久色微黝脫落之而鱗深埋無底寶結成巖洞勢潤被沙水漱玲瓏具本性蹙縮聚眾皺斧鑿絕織痕中虛互通透偶然遇好事不悖高價購置之几硯旁命曰小雲岫一拳殊不易況敢望多又而我獨何幸歸舟誇日富熊魚兩得兼彼美適邂逅款款儼欲飛翩翩若相就人間陸賈裝金玉難單究千金眞俗物至寶肯輕售何如落吾

手出入在懷袖再拜謝故人茲情亦良厚

平蠻歌爲靈川令樓敬思作

槃瓠遺種成野豸充拓百粵西南間桂林所屬半獠獠

性稍馴獠性頑獠中廖三乃最狡結砦背子

義甯縣山名

藏神

姦義甯邑宰畏如虎長惡不復加防閑康熙五十有六載
遂逞螫毒爲民患公然越境大劫殺乘勢搖動西江灣靈
川樓侯奮髯怒一念軫卹周痾瘵請于中丞願勦賊朝發
夕下無留艱官軍壓境屹不動旁睨翻笑書生孱豈知仁
者必有勇勇氣遠過齊成颺力捐百鎰鑄戎器更募丁壯
踰千鍤仲冬誓師謁神廟聲並淚下垂潛濟與神幽明共
守土捍禦災患宜相關狼貪豕突忍坐視一任滿耳嘯孤
鰥陣圖兵法貯腹笥臨事布置神安閒先營壁隄後糧精

下極坑谷高躋攀天寒雪少但瘴霧地盡石出皆榛菅孤
軍深阻三百里間道別取千尋山賊巢漸近徑彌惡出賊
不料攻而環焚林燎穴何處遁照耀巖壑朱旗殷渠魁就
殲脅從赦散以畝畝閭閻自從出疆追飲至三十五日
師旋般明朝獻馘上幕府隊仗整肅排班班受成例應給
大賚爲國惜費情非慳有酒盈缸其色碧有羊在牽其首
盼侯不居功以歸眾單醪挾纊胥均頌人傳封事上北闕
我適問道將西還過侯治下暫弭楫爲我掃榻開門覆杯
關抵几聽陳說竊歎膽氣何其豨如聞鼓鼙作餘力如覩
介冑當躬擐朝廷設官鎮羣獠文武分職毋相奸至令儒
臣建偉績壯士毋乃多頽顏是庸作歌勒諸石義在小雅
誰能刪他年采入桂海志碑額不愧書平蠻

查克建字求雯號用民海南人康熙丁丑進士歷官鳳

翔知府

詩話用民初白子宰東鹿有惠政入爲部郎民爲立
生祠遇生日爭走京師致祝初白生日亦然初白有
詩紀之

芍藥

嬌紅粉翠趁風流十里珠簾盡上鉤回首東風舊時路
絲人老說揚州

寄靈隱法座諦輝

冷泉亭上多年別夢裏清涼一徑通方丈簾垂花影外
法堂人散雨聲中千山夜靜香林月萬壑涼生竹閣風敲罷
木魚僧退院長廊惟見佛燈紅

王式丹字方若號樓村寶應人康熙癸未一甲一名進

士授修撰有樓村集

詩話樓村爲諸生卽有盛名宋牧仲列其詩於江左十五子中以會狀登第舉時本擬元後改第六三元嘉話僅一間也詩派在唐宋之間查初白最稱之體格蓋相近云

送湯逸林入都卽致湯西厓編修劉後齋都諫

今年早熱月在午千里出門不知苦聞君欲別飲君酒酒

酣問君向何許往者汗漫游長安一峯草堂北道主謂侍讀喬

公白門太史深相知旅舍乃能致脩脯逸林前館於胡瑛崖先生名人

畸士紛京華出入馬蹶覓儔伍百尺梧桐閣正開萬丈長

虹氣能吐時蛟門先生深相接遇微名得失何足論相知所貴寫肝

腑人生合散風中煙迸淚晨星詎堪數歸來至竟不稱意

卜畫蕭條守環堵逸林所居名卜畫堂叢卉春垂三徑雲老松秋亞

一枝雨收身聊樂茗香清顧影卻慚鹿豕聚乍提襍被辭

妻孥復走長安作羈旅十年往事難重陳欲歸何門行踽
踽故人惟有湯與劉青瑣紅蘭鸞鳳侶南州榻下好淹留
公孫閣裏方延佇計君到時夏正深雪藕銀桃勝甘乳易
酒一斛浣頭塵提攜如意蹋筵舞余方墨守餘幽憂寂寂
徒令笑鄧禹爲致兩公相問訊離緒萬端憑告語

惜別謠

雨霏霏風微微感春客子攜春歸
鶯紅飛盡結楊柳杜鵑
嘯瘦腰幾圍蘭橈划動清歌起
楚尾吳頭一千里誰其遺
之金錯刀手把瓊英照江水

燕壘謠

前溪啄晴沙晴沙裹落花別院掠微風微風接飛蟲呢喃
只傍觚稜東側翅珠簾第幾重
襪野鳥湖之涘朝鳴暮

宿菰蘆裏不須苦羨雕梁壘自引雙雛拍春水

奉詔增修皇輿表院中郎事次韻顧書宣前輩

瀛洲亭畔靜階除
匝槐枝亞碧虛池
面輕風迎散帙
檐牙初日照繡書
共知定本推前輩
未敢傳鈔付小胥
東觀從容參校駒
駮載筆愧庸疎

棲塵簾閣喜新除
祕冊駢羅几席虛
周室職方傳舊志
漢家年表效橫書
要從鞮鞞增圖籍
豈爲華離問史胥
理罷縹籤方永晝
垂鞭歸拂晚風疎

錢名世字亮工武進人康熙癸未一甲三名進士授編

修歷官侍講有古香亭詩集

詩話亮工未第時游萬季野之門助修明史季野覆
審史彙其當刪改增補者每日考訂訖夜則跌坐口
授亮工筆述之及季野卒於京邸遺書多爲所得後
因附年雙峯獲遺集無傳僅見江左十五子詩選

題延陵季子廟碑後

逃位曾傳泰伯風，那言高義子臧同。江山未改仍公子，人物無憑只上中。地僻似村煙月白，廟閒如社野花紅。傷心窟室鉞交後，斷送亡王泣雨東。

觀潮

早潮濺濺明星沒，晚潮浩浩初月出。潮去潮來自古今，秋毫不見江波溢。渡江著屐升顛崖，江流端正白道斜。吞海亭前放兩眼，澹然耳畔喧雷車。汀鳧渚雁知潮信，拍翅驚飛排水陣。半江崩浪大千山，突過中流肯平進。白馬麤毛十萬匹，怒蹶蹴踏寒風颺。如茶素甲鼓聲高，睽陽霜刀橫擊律。雪龍天矯空中飛，飛魚怪物相追隨。鱗爪變現領珠

落毒涎霧噴光淋漓鬪霆擊電海門碎巨壑蕩涵藏舟移
汨沒沙洲不勝計但憑遠峯露螺髻雲根直欲信流去虹
洞蒼茫極風勢江豚掀簸豈自由天吳叫嘯水仙愁弄潮
吳兒好身手驀波燕躍伸黃頭敬岸水痕添一丈漁舟箇
箇浮天上絕港空陂盡灌輸枯荷敗蘂皆神王濤偃端平
鏡面圓千溪小艇乘江漲君不見錢塘羅刹淩浙西歲歲
噴壤江邊隄英雄豪氣奪天險犀弩立射潮頭低此地憑
闌卻回首青門文采今何有閒看七發廣陵潮急買六朝
京口酒

贈宋射陵

冬青蕭索遺民少海濱寬閒存一老
啖啖晨星氣象高華峯削翠金天
杳百年以來人事變射陵先生眼所見銅駝

荆棘蒼鶯飛露掌仙人辭漢殿南都斫盡靈和柳二月不
知春甸綫後庭花唱商女口毳帳筆策成高宴臺城應教
秋衾客掃跡荒村守迤賤叢殘蠹帙過五車石田茅屋蒼
苔居長編一卷必在手百家諸子時畋漁野蔬新翦濁醪
熟檐花墜雨寒窗虛兩京舊事飽其腹閒談湧出泉百斛
蘭臺掌故多放失江天少微有實錄薦書急奏楊鐵崖白
衣宣至參史局見聞覩縷談靡靡八表十志成必速不然
土室作詩史空想蕉園在鹽濱君不見永甯寺側藏書樓
寶光夜夜騰斗牛鹿門借隱夫何求長君健筆思廉儔難
椽官館來日事那羨區區史通子

聞雁

前除置酒談竟日秋色滿眼何清佳一聲初雁忽相感霜

信直通長安街羈孤客子正無賴百事卒煎情懷三春
刷羽到秋半棲息未定行藏乖萬重雲裏接哀響此境倍
覺歸吾儕金風紫塞浩呼洵雪花早破千山崖雨城池邊
冷透骨挈羣南徙依江淮寒河蘆葉頓銜盡橫絕蒼靄如
檣排毛衣皎潔性高介叫空嘹唳非淫哇慈恩塔級眾翔
集亦或颺去天之涯山頭落翮不成字猶贖半折黃金釵
雖謀稻粱有氣骨肯向沮洳尋蝦蟇江南八月煙水闊迴
汀枉渚流啣啣雕胡接呷易充腹勿募爽塏嫌卑窪朔方
健兒好彈汝肉登鼎俎翎盛輟冥飛尙恐矰繳及斜夏莫
與鷹鷂偕生平飲啄乃定分何地獨少雲霄階衡陽奇峯
暫卻轉永嘉有宕堪藏埋來賓終假上林宿鴛行鳳侶鳴
和諧撫絃目送碧天遠窗外素月窺蕭齋

蔣廷錫字揚孫號西谷一號南沙常熟人康熙癸未進士改庶吉士授編修官至文華殿大學士諡文肅有

青桐閣詩集

詩話文肅初以舉人在京供奉內廷詔與汪顥何焯同賜進士一體殿試膺館選遂由詞垣游掌鈞衡與張文和同稱碩輔宋牧仲采其詩與王方若式丹吳山論廷楨宮友鹿鴻歷徐大臨昂發錢亮功名世張日容大受管青村榆吳荆山士玉顧依君嗣立李百藥必恆繆湘芷沉王麟照圖炳徐學人永宜郭于宮元鈺同列爲江左十五子詩選尤工寫生稱逸品

題小顥墨竹

畫竹不如眞竹眞枝葉易似難得神風晴雨露皆有意子瞻與可無其人去歲闢地栽新竹枝葉離披覆茅屋竹梢枯勁竿清瘦久久可以醫吾俗昨夜雨過月上時壁上掩映青青枝張子對之無一語淋漓潑墨發異思淡煙輕霧

筆底生枝枝盡帶風雨聲移向乾明寺中挂壁石好撰張顛名

送陶子師任昌化

匡州圖畫便悽然況復窮荒在日邊道險不知山水趣法寬猶用宋元錢高廉瓊三處皆用古錢丁卯歲制督吳公請行錢法而古錢盡廢然瓊州海外至今未格也月明黃木灣頭驛人語紅蕉花畔船只有一端廉吏計木棉花發省裝綿

甲戌除夕

閒過流光實可憐半生狼籍舊山川灞橋風雨留殘跡瓜步雲煙憶渡船庾信聲名枯樹賦賈生經濟治安篇此情已作今宵夢細數更籌待隔年

家園消夏

荒畦種蠶豆小圃栽蘿蒿長豆莢大摘採甯辭勞驅愁
似避瘴尋樂如追逃緬懷一畝宮猶是先人膏一時功名
意於我吹鴻毛清晨石上立爽氣西山高

會意不在遠偶吟興自適松花綴黃玉香氣發蒸栗落粉
如飯煮不向道人乞靜觀草木趣閒得魚鳥逸看月有隙
地彈琴有壤室世事比獅子解弄得六出來日苦尙多得
失那可必

草長塞三徑芟拔爲鋤荒獨留蜀葵花紅白遙相望綠蘿
深窈窕高松倚青蒼雖無向日心而得枝葉昌庭前堆亂
石橫卧如羣羊還疑身入羣對石兩相忘

得邵甘來中州信感賦

昔年郊野逐行旌馬上風煙今古情枯木遠當人面立白

雲低向屋頭生召陵地僻初無縣博浪沙橫舊有城零落
雄圖同悵望驛亭爲我覓題名

和子逸夜坐韻

蘋末風生白葛輕小庭景物又秋聲相看酒戶隨年減
有詩懷入夜清荷葉翻時珠露瀉豆花香處亂蛩鳴桐軒
莫謂無多地一片寬閒江海情

涿州

遠樹微茫綴碧空范陽驛畔塔鈴風驚回驢背江南夢恍
似金山落照中

徐潮字青來號浩軒錢塘人康熙癸丑進士改庶吉士
授編修官至吏部尙書諡文敬

瀛臺賜魚和趙少宰韻

冰覆霜鱗色瑾瑜承恩齊向苑中趨臨流欲躍干髻集繞
樹爭攜萬木呼波飮蓬池名最美影連緋袋寵先殊還須
共識和羹意免得庖人越俎虞

趙殿最字奏功號鐵巖仁和人康熙癸未進士官至工

部尙書

從子誠夫以詩見贈次韻答謝

閒居瀟灑樂春溫菜圃茶亭認近村歲月且貪花裏過兒
童不厭市中喧看書反復難求解問字推敲未掩門取次
將成終老計草堂已掃舊巢痕

涂天相字變庵號存齋一號迂叟孝感人康熙癸未進

士官至工部尙書有靜用堂偶編續編

詩話變庵以壬午癸未連捷成進士年四十九矣出同
邑熊文端之門講學篤守師說與張清恪陳榕勳相

應和其言詩以朱子爲古今詩人之冠
嘗取感興詩嚴之張清洛爲序其集

雜感詩

兀坐空堂中萬籟俱寂寞嗒然喪我形天地同寥廓微颺
鳴窗罅入耳神已覺東西揣方隅高下胡起落此心遂不
靜紛然萬念作歛起立窗前飄風捲積籜觸目感時序忽
忽轉不樂可知物交物牽引如繹絡苟無大常存動靜都
無著咄哉隱几翁槁灰焉可託

盎水置庭中雖寒猶未冰微風吹一過便如霜霰凝更復
動搖之磊砢結層層已而冰到腹覆之不可傾沖沖鑿以
斧勢將羸其瓶坐待陽和至一泓仍自澄始事知有由後
患庶可徵

暑夜待風忽至

赤烏竟日逞炎威四壁如爐晚不移遠際雲生山乍動高
空風起樹先知方憑曲几襟初豁旋拂匡牀枕欲敲叫讀
一聲涼入骨快哉何必問雄雌

陳邦彥字世南號匏廬海甯人康熙癸未進士改庶吉

士授編修官至禮部侍郎有墨廬小稿

詩話世南工書虛和秀逸出入松雪香光兩家爆書
南齋爲景陵所賞鐫珉題榜往往出其手以是書
名重一時

書楊大東厓賞花詞後

粉白脂紅鬪豔香冶游還逐少年場輕盈態度依楊柳細
膩風光上海棠好鳥有情當客語狂蜂無賴爲誰忙江南
才子多閒思收拾繁華錦一囊

吳廷楨字山掄號南村長洲人康熙癸未進士歷官諭

德有古劍書屋詩鈔

詩話南村早有才名宋漫堂采其詩入十五子選中鄉舉後因籍貫呈誤南巡獻詩復之召直南薰殿尋登第入翰林遭際頗異詩有幾社餘風骨韻兼勝不僅以藻麗見長

觀潮

閭闔長風吹海立馮夷怒挾天吳入層層駕浪薄秋旻涼
波如沸魚龍泣海門匹練遙飛來龕山赭山青崔嵬罔象
橫衝兩岬束巨靈直擘中流開劃然分奔吼餘怒霆擊雷
轟碎天鼓日車傾昃羲和愁疾掩陽烏避吞吐倏忽奔騰
萬馬猶鳴夷蹴踏來窈冥雪山摧翻鼇脊瘦冰柱迸裂蛟
涎腥俄聞春岸喧雲碓旋見跳波散珠珮驚濤蕩潏天低
昂亂石碎訇山破碎潮頭一落百尺強迎潮之子凌蒼茫
千桅乍隱鷗起沒一葉忽浮鳧拍張目精眩轉毛漉浙我

生江鄉情未識吁嗟向若郵然驚倒瀉長江盪胸臆水犀
強弩千雕翎欲尋斷鏃揚遺靈釣臺西峙灘漲急海天頽
詞孤煙青

淮陰釣臺

惆悵王孫去不歸
功成無復理蓑衣
漢家只有桐江叟
長保秋風舊釣磯

天妃閣

斷堰鎖崔嵬
奔流下石隈
勢吞淮甸盡
聲撼海門開
水氣晴吹雨
天風夕送雷
扣舷驚絕險
誰是濟川才

次韻酬汪宮贊

少賤儒冠誤長貧
旅旅缺存艱難逃
魏厠寥落立齊門
國士矜殊遇
王孫感故恩
十年湖海客
重把寸心論

秀野堂公讌韓慕廬先生扈蹕還朝

鳳池激灑水波平畫繡爭看傍輦行南濟舟航隨夏后東
巡筆札領春卿移蓮里第歸鞍晚飛蓋家山賜醴清裁詔
餘閒方退食絳帷弟子挾書迎

曉望華嶽

曙爽西來嶽勢尊削成天外射初暎寒松翠滴仙人掌晴
雪光浮玉女盆氣肅金晶橫地軸路尋箭筈倚雲根懸知
絕頂通呼吸直欲排空謁帝閭

雜感

奕碁世事太悠悠覆罷殘圖玉局收寬詔豈同逐客令高
貴自署富民侯金鞍照路羞逢掖珠履迎門笑蒯緱少孺
詆媒方朔讒空將詞賦學俳優

宋至字山言號方庵商邱人康熙癸未進士改庶吉士

授編修有緯蕭草堂詩

詩話山言爲西陂彖宰長子少侍宦游與愚山堯峯竹垞諸老宿論詩於漁洋尤心折稱弟子漁洋亦謂詩家三昧山言獨以神會旣入詞館主貴州鄉試往還得詩若干篇爲牂柯集與湯西厓使黔集並爲時所重又出視浙江學奉彖宰薛遂里居不復出卒年七十

送介維返歙縣

故人理歸櫂秋色老芙蓉此日一尊酒何時尺素書江楓
銜落照海雁下荒渠我亦羈棲客能無憶舊廬

秋晚同志上賦

飄蕭風雨滿江鄉無那羈愁分外強井上高梧零淺碧籬
邊叢菊破深黃半天寒色侵歸雁一笛秋聲怨夕陽何處
林泉堪寄傲幽尋好向贊公房

謂北蘭

送心壁上人還開先寺次青門韻

鄧尉探梅罷高僧別我歸煙江聊握手春雨細霑衣路逐
青山杳帆攜白鳥飛到應三月暮猶及看薔薇

兩度匡廬過開先未一游飛流喧客夢清磬隱僧樓樹密
時時雨山深日日秋送師今夜裏遙憶玉潭幽

端書

端書洗硯更焚香冷淡生涯興轉長二十四橋紅葉徧雁
聲和月過東牆

郊城夜行

鞭梢指點問前程狐帽狼裘踏雪行霜月欲沈風力勁斷
鴻聲裏過郊城

萬經字授一號九沙鄞縣人康熙癸未進士改庶吉士

授編修乾隆丙辰舉博學鴻詞

詩話授一爲充宗子少承家學治禮春秋二經視學貴州爲蜚語所中令通州修城斥家財竟役丙辰舉大科授一年七十爲最長袁隨

闈年二十一爲最少皆浙人也

弔周烈婦

天地有正氣綱常藉人扶當其志所激弱女勝丈夫四明濱巨海潢池肆樵芻象邑當厥衝殘賊甚剝膚婦也冰霜姿詩禮爲楷模倉卒走避賊從夫出闈闈弱質旣窘步况負六月雛夫婦不相保踉蹌各奔遁事勢在危迫死生決須臾舉身赴清流不復憐呱呱一死祇自全含笑歸冥途荒荒白日黯慘慘寒雲鋪數日具含殮顏色腴不枯健兒盡膜拜聞者咸歎吁於乎烈婦心豈爲聲名圖巾幗留正氣身死名不徂會當紀彤管國史他年書

閔衍號印麓應山人康熙癸未進士官戶部員外郎有

印麓山房詩集

朱子文畫雨中見訪

雁下湖光遠鷹凌霜氣高此時見之子物外挺人豪幽意
秋飛練長吟硯湧濤丈夫忘得失豈復戀緜袍

曹維城字价人貴陽人康熙癸未一甲一名武進士歷

官雲南副將

初秋登黔靈贈瞿脈上人

黔山精舍好相對有名僧道悟無生妙禪參最上乘茶煎
澗中水香霽佛前燈不許塵凡到雲嵐護幾層

胡期恆字元方號復齋武陵人康熙乙酉舉人官至甘

肅巡撫有蜀道集

詩話復齋迎驛獻詩授翰林院典籍出爲夔州通判
適年雙峯撫四川深器之數歲累遷卽至開府雙峯
持功而驕意氣凌厲復齋侃侃時有所規正及雙峯
事敗自陳由其薦擢就逮下獄乾隆初得釋寄居江
南久之乃卒復齋詩向才氣
激昂跌蕩可想見其爲人

灩澦堆

大江西來四千里爭入一綫夔門天夔門偏仄不肯受回
波捲浪青雲巔白鹽赤甲互犄角日與水鬪尋戈鋌巴蜀
雪消春漲發何人敢放東吳船奇哉峽口灩澦石巍然獨
立江中間白帝逶迤作屏障瞿塘環繞如晶盤千溪萬壑
雷電激中流一柱來當前有時如象又如馬出沒變化難
言詮江流縱強亦退聽勢窮力竭翻求憐步依灩澦不敢
肆安流而下生洄瀾夔門巫峽二百里本爲險地今平川
乃知天意畏傾覆留此要令江無權共傳禹功費鑄鑿巨

靈神斧開煙巒至今百神遞呵護絕頂不敢停鷹鷂朝宗
萬派必經此好與嵩岳名俱傳

立春內江卽事

玉壘峯晴翠作堆金堂水暝碧波洞寒從昨夜三更減是日
丑時人與春風一日來紫陌未飄京兆柳紅妝爭插壽陽
梅酒鑑依樣臨邛好只少雍容車騎才

九日南樓留別

不爲悲秋感不禁朝來悵別倍蕭森望雲空下思親淚飲
水猶存報主心風雅憑誰傳晉里江山此日惜登臨伐檀
深愧詩人意賸有樓頭幾醉吟

劉青震字嘯雲號方書襄城人康熙乙酉舉人官內閣
中書有葵園詩草

蔣家渡晚眺

浮雲淡淡晚天晴
遠水孤帆混太清
落日漁樵喧渡口
隔隄煙火出柴荆
平原跌坐侵秋草
驢背吟詩入暮城
卻羨老僧無世事
禪關深鎖一鐘鳴

王企堂字紀遠號雪坡雄縣人康熙乙酉舉人官荆溪知縣有雪坡詩藁

水淀荷花

水淀浩無涯
東西連混漾
平時水不風
波面平於掌
夏日菡萏開
尤令煩襟爽
吾生惜景光
行樂及時往
載酒挈良朋
中流蕩輕槩
翠蓋與紅衣
一望渺且廣
人在鏡中游
花從塵外賞
水清見游魚
叢密難下網
一曲采蓮歌
臨風散清響
玩久不知疲
坐看纖月上

王濂字兩楓號弁山浙江山陰人康熙乙酉舉人官南

宮知縣有弁山詩鈔

詩話弁山詩法放翁篇章之富清適之致皆與相似
放翁生日紀事詩有云生及宣和無事日死猶垂涕
中興年足括放翁一生
晚歲有集杜集陸諸編

歸田詩爲後翁作

杜鵑催歸我不聽布穀催耕君不辭朝來忽聽布穀語爲
君演作歸田詩歸田路出青門道高柳半天青若掃杏花
開落莖葉齊江北江南插秧早君家舊業剡溪邊十年作
宦殊可憐栖栖食祿難稱意收身還種南山田南山蕪穢
理初畢半種香秔半種秫烹葵煮筍餉東臯朝看村童驅
犢出暮看田叟荷鋤還暮暮朝朝十畝間課雨量晴聚鄰
里黃雞白酒開心顏不稼不穡風所刺吾獨何爲久淹滯

篝車自笑願空奢，珠桂人言居不易。君今歸田弗復疑，于
載沮溺遙相期。我亦行尋耦耕侶，逝將與國充耘耔。布穀
布穀弗爾欺，欺杜鵑會有催歸時。

山中夜宿

雨歇林光黑，山深夜色淒。哀俚穿徑過，怪鳥瞰燈嚙。貧女
寒機急，愁吟獨客低。老衰眠較少，復此感羈棲。

楊花

纔看飛雪楊花似，又見楊花似雪飛。總與白頭相映發，可
憐老眼只依稀。亂隨行跡鋪苔徑，故傍吟身透薄幃。念汝
無情尚漂泊，天涯羈宦幾時歸。

望金山

乾坤放眼昔登臨，坐閱東流赴海深。千古江山風月我百

年身世去來今波濤卷盡英雄恨檣臄摧殘老病心輸與
住庵元長老妙高臺上聽潮音

南海子

野水環流禁苑前繚垣百丈走平田風毛雨血呼鷹地雪
暗雲黃殺虎天盛世詞章誇羽獵健兒身手數幽燕雄文
誰道相如似不獻長楊又幾年

全軌字車同郊縣人康熙乙酉舉人有真意堂詩集

正月晦日作

人有三寸舌出口成字句春秋在齒牙褒貶無少顧客觀
松下碁指揮劫殺誤樂哉局外人就局苦難訴

相知在知心知心良獨難旦夷猶不保何必慕金蘭操琴
向廣陌未奏淚先彈伐國問仁人邪佞固其端

憶昔兩渡河半載八千里嬌女病在懷棄之於垂死呼我不絕聲恍惚猶在耳行路爲酸鼻而我何堪此死別無戚顏今羨食肉鄙君子重絕物豈不察心裏

我生始一歲祖母躬鞠之手自調飲食卧起無暫離纖悉到衣履拮据念載奇諸孫亦已多我獨育如兒八旬奄在邇危疾勢莫支驚聞馳一騎暮踏荒山陞欲一視晨昏揚鞭指燕達三至市有虎流言周公疑白雲不可見南望徒漣湏

燕山鬱岿巽易水流浩浩念我同根人于役在遠道揮淚望故鄉髮白一何早生無歸來日死葬邊城草豈不怨離訣天命難自保朝露矧易晞悲哉陳情表

潔身如處女遠嫌避瓜田倚伏有不測况乃百其愆隕霜

遂殺草一墜千仞淵白日何杲杲浮雲去高天寄語悲歌者勿爲萋菲篇

青士明府招同吳天章游闕鄉南山九龍泉入夜始

歸署賦詩紀事

雨氣昏三日晴光籠萬井鳥入石林深人行溪路永陟岡
泥尙滑渡水浪猶猛千折到荆山十里望秦嶺野闊想姬
牛原高問軒鼎塵沙埋古塞風雷祕靈境僧戶啟層臺龍
泉瞰絕頂天圍遠近村田亂南東町黃雞進野服白墮攜
方領寒嚙召平瓜大食了翁餅焉知禮法疏那復冠裾整
手勢恣喧呼腳力競馳騁君子喜啣啣小人絕悻悻海鷗
自可下國狗誰云獷不知落日低乍覺單衣冷蕭蕭聽騶
駱聒聒隨鼉鼉翳翳烏棹陰淡淡蒼蘆影人煙漸窅窅

火忽耿耿紅燭導斜橋青衣指深窅近城路始平出險轡
還並佳客信江湖使君詎醅酌乏嘲夾谷欠餘羨延陵勇
一石酒量豪萬斛詩才湧探珠君早獲倚玉余眞幸他年
共把讀聊作黃金鑛

得新城王阮亭書

太室拱四嶽洪河落九天山川久不神蕭條六十年赤兔
奔嘯月紫鸞翔禮山屹如瞻二華可望不可攀豪氣帶湖
海微言參閩關同工而異曲柄鑿誰方圓漁洋老尙書今
之歐陽韓淵雲皆後起咳唾分媼妍喟然稱二子何李崛
後先聯鑣復對宇此事古所難一顧遇伯樂駑馬心亦安
勿嫌屈指吝雅欲別蕭蘭如何千慮失廁我二子間左提
與右挈鼎足峙中原汝墳兩舍邇哲匠愧比肩吹竽濫南

郭貽笑固其端

寄劉太乙

汲黯歎積薪頗恨後來上豈知初盛間文伯常交讓功成
自一時禮樂賢草創陳杜兩拾遺代起無衰旺彭城奮襄
野才大年方壯下筆走雷霆豁如泯江漲古今入鑪錘臨
文空所傍風雲萬態殊誰顧襄州樣大兒愧文舉稟脫或
西餉三舍避從前兩雄吾敢抗四海王新城金魚心所向
虎卧誰敢違熙然推大將歸來益讀書扃戶塞其向踪跡
慕黃公淵源窮素王足明俊哲情遠到疇能量記我會無
人埋名聽崖嶂

青士明府自塞外歸奉寄時丙子十二月

凍硯炙空山蟲魚老自註昂昂七尺軀埋頭死章句聖武

邁周宣獫狁哀匪茹四海望旄鉞邊塵靜一怒公實轉河
粟慷慨出中路麟麟十萬車兒撫軍法御貔貅壯宿飽敏
捷回天顧從軍盡如此何至臨機誤公才信兼人幕府無
留務盾鼻磨醉墨橫槩詩還賦十載滯洛西幾類終身錮
茲焉豁心眼蛙井嘲窮措別離欸一年歌嘯悲獨寤馳想
伊吾北奇游未免妒胸藏十萬甲故紙終難據歸來捫蝨
談定似河東注

卽事呈青士明府

龍頭熊耳佳山水竹樹村村如畫裏府君無事日鳴琴坐
見閒雲生女几退食時抽架上書香爐茶椀對潛夫偶然
陪客芳郊去半醉沿溪看打魚

洛陽感興

一編常閉戶畏踏洛陽塵獨鶴霜驚夜羣雞雪亂晨飛騰
應自失哀怨竟誰陳去去驪駒在梅溪已放春

洛陽

幾度崎嶇過石林鬢邊愁見二毛侵駝街白日千門冷馬
市紅塵十丈深山禿閣猶臨關塞岸崩河欲到城陰誰能
喚起蘇秦嫂問爾何須叔有金

秋興

一年強半已天涯入眼南鴻影欲斜青桂雨遲初著蕊紫
薇秋晚尙開花病夫頗厭通侯菜久客難分小婦茶道是
薄寒人又中模糊無夢不還家

妙香齋題壁

半載奔馳聊復止此間幽事頗相宜縱橫野竹低交戶高

下寒花亂壓離觴飲誰憐邀月放悲歌自哂問天癡燕山
易水茫茫路回首中原淚每垂

歸思

歸帆幾日挂雙蒲夜夜寒螿惱病夫太守欲過應仲遠故
人殊愧阮元瑜悲來天地思塵甑老去河山惜鍛鑪惟有
百年零雨恨驚魂預恐怯江湖

早發安陽橋

風吹殘月遠天西細草平鋪望欲迷萬柳壓城城不見長
煙漠漠亂烏啼

上學憲京江張先生

浮雲三十六年空罔極王通涕淚中猶憶低眉親說與一
生快事又空同

翟一枝字蟾一涇縣人康熙乙酉舉人

桃花潭打魚歌

涇灘南下九里曲紅雨錦鱗映波綠老漁家住山之南作
樛養魚如養蠶終年持竿不離手截江而取心尤貪西岸
鳴榔應東岸大罟雲合人聲亂挺叉紛從煙波入濺沫飛
濤走驚電細鬣巨鱗不知數登盤更愛雪花粲樓頭少婦
取作羹手執雙鯉不忍烹放爾徑渡桃花水尺素憑寄千
萬里卻羨生涯易足似漁家夫舉網婦拏槎年年不負潭
上花

南天章字漢雯昆明人康熙乙酉武舉官至湖廣提督
自黃茅嶺至大哨作

崎嶇不減夜郎西春雨春風送馬蹏寂寞山岡花爛漫子

規時雜鷓鴣嘯

浦銑字柳愚嘉善人康熙乙酉拔貢有百一集

詩話柳愚撰賦話三十卷附庸六義遠溯淵源同縣金方雪觀祭成珪為其高第弟子書成寄使刻行並附以詩詩末以歸安吳景旭歷代詩話自擬謂其博采羣言而以己意疏證之頗非苟作者蓋亦自道甘也苦

代柬寄方雪

到及羊城秉蒿時龍門捧袂愜心期不為王粲登樓賦但
和陶潛止酒詩筆墨有緣聊自適陰晴無定報君知只餘
一事應輸我四月輕紅擘荔支

晚晴移詩匯卷五十六終